





Csíki Székely Múzeum Könyvtára - Csíkszerda



NOVÆ EDITIO  
**MISSÆ**  
CUM PROPRIIS  
SANCTORUM

Regni Hungariæ.

ET

SANCTORUM ORDINIS SANCTI PATRI  
FRANCISCI SERAPHICI.

Quæ necdum passim in Missalibus Romanis  
impressa habentur.

JUSSU

A. R. P. ANTONII VALTSANSKI,

Callidus Sancti Stephani Regis in Transyl-

vania Custodis Ecclesiasticæ

EDITA.



INSTRUMENTUM

In Convocatione Generali, Typographico Convocationis  
M. DC. LXXXV.



Csíki Székely Múzeum Könyvtára - Csíkszerda



NOVÆ QVÆDAM  
**MISSÆ,**  
CUM PROPRIIS  
SANCTORUM

Regni Hungariæ.

ET

SANCTORUM ORDINIS SANCTI PATRIS  
FRANCISCI SERAPHICI,

Quæ necdum passim in Missalibus Romanis  
impressæ habentur.

JUSSU

A. R. P. ANTONII VALTSANSKI,  
Custodiæ Sancti Stephani Regis in Transyl-  
vania Custodis Provincialis

EDITÆ.

*Conv. S. Somlyó*  
*P. P. Francisc.*



IMPRESSUM


In Conventu Csikiensi, Typis ejusdem Conventus.  
M. DC. LXXXV.



М. И. С. А.  
С. А. М. Р. О. П. И. Е.  
С. А. М. О. Р. О. В. А.

С. А. М. О. Р. О. В. А.

С. А. М. О. Р. О. В. А.





# INDEX SANCTORUM.

## JANUARIUS.

5. Januarij. Severini Abbatis.
15. Pauli primi Eremitæ.
23. Desponsatio Beatæ Virginis.
28. Joannis Elempofynarij.
29. Francisci Salesij.
30. Martinæ Virginis.
31. Petri Nolæco.

## FEBRUARIUS.

1. Februarij. Brigidæ Virginis.
3. Ludovicæ Albertonæ. *Ordinæ.*
4. Andreæ Corsinij.
6. Dorotheæ Virginis.
7. Romualdi Abbatis.
8. Joannis de Matha. *Vide in fine.*
9. Apolloniæ Virginis.
10. Columbæ Virginis.
12. Laurentij Justiniani.
16. Canuti Regis & Martyris.
17. Rajmundi de Pennafort.
19. Conradi Confessoris.
23. Margaritæ de Cortona. *Ordinæ.*

## MARTIUS.

4. Martij. Casimiri Confessoris.
6. Coletæ Virginis. *Ordinæ.*
8. Rosæ Viterbientis. *Ordinæ.*
9. Franciscæ Viduæ.
11. Catharinæ Virginis. *Ordinæ.*
- De Septem doloribus Beatæ Virginis.

## APRILIS.

5. Aprilis. Vincentij Ferrerij.
13. Hermenegildi Regis.
23. Adalberti Episcopi.
28. Translatio S. Petri de Alcantara. *Ordinæ.*
- De Lancea & Clavis Domini.
- Raphælis Archangeli.

## MAIUS.

2. Maji. Sigismundi Regis. *Vide in fine.*
4. Floriani & Sociorum.
5. Beati Pij Quinti.

10. Catharinæ Senensis.
13. Monicæ Viduæ.
17. Beati Paschalis. *Ordinæ.*
20. Bernardini Confessoris. *Ordinæ.*
26. Philippi Nerei Confessoris.
28. Venantij Martyris.
29. Petri Cœlestini.
30. Mariæ Magdalenæ de Pazzis.
31. Ferdinandi Regis.

## JUNIUS.

- Translatio Sancti Didaci. *Ordinæ.*
3. Erasmi Episcopi & Mart. *Vide in Februar.*
4. Junij. Quirini Episcopi.
6. Norberti Episcopi.
16. Bennonis Episcopi.
19. Bonifacij Martyris.
27. Ladislai Regis.

## JULIUS.

4. Julij. Elizabet Reginæ Portugalliæ.
8. Margaritæ Reginæ Scotiæ.
9. Nicolai, & Sociorum Martyrum. *Ordinæ.*
12. Joannis Gualberti.
13. Margaritæ Virginis.
15. Divisio Apostolorum.
17. Andreæ & Benedicti.
19. Beatæ Virginis de Monte Carmelo.
20. Francisci Solani. *Ordinæ.*
27. Henrici Imperatoris.
30. Alexij Confessoris.
31. Ignatij Societatis Jesu.

## AUGUSTUS.

7. Augusti. Cajetani Thienæ.
20. Stephani Regis Hungariæ.
23. Philippi Benitij.
30. Rosæ Limanæ Virginis.
31. Rajmundi Nonnati.

## SEPTEMBER.

- Angeli Custodis.
4. Septembris. Rosæ Virginis. *Ordinæ.*
6. Rosaliæ Virginis.
7. Rochi Confessoris.
18. Nominis Beatæ Virginis.



## INDEX SANCTORUM.

22. Thomæ de Villa.  
 24. Gerardi Episcopi.  
 28. Elzearii Confessoris, *Ordinis.*

### OCTOBER.

- Solemnitas Sacratissimi Rosarii B. Virginis,  
 1. Octobris, Remigij Episcopi.  
 6. Brunonis Confessoris,  
 8. Birgittæ Viduæ.  
 12. Maximiliani Episcopi,  
 14. Burchardi Episcopi.  
 15. Teresiæ Virginis,  
 16. Edvardi Confessoris,  
 17. Hedvigis Reginae,  
 19. Petri de Alcantara, *Ordinis.*  
 21. Ursulæ & Sociarum Martyrum,  
 23. Joannis Capistrani, *Ordinis.*  
 29. Demetrii Martyris.

30. Colomanni Martyris.  
 31. Volfangi Episcopi.

### NOVEMBER.

4. Novembris, Caroli Episcopi,  
 5. Emerici Ducis Hungariæ,  
 15. Leopoldi Confessoris,  
 16. Josaphat Episcopi,  
 17. Beatæ Salomeæ Virginis, *Ordinis,*  
 19. Elizabet Reginae Hungariæ.  
 26. Omnium Sanctorum Ord. Min, *Ordin,*  
 27. Venceslai Martyris,  
 28. Jacobi de Marchia, *Ordinis.*  
 29. Felicis de Valois,

### DECEMBER.

2. Decembris. Bibianæ Virginis,  
 3. Francisci Xaverij.  
 4. Barbaræ Virginis.

## MISSÆ VOTIVÆ.

Pro Prægnantibus, seu in partu laborantibus.  
 Compassionis, seu lamentationis Beatæ Vir-  
 ginis MARIAE.

De Sancto Sebastiano, contra pestem.  
 De Sancto Rocho, contra pestem. *ut supra.*







SEV  
Missa. De  
memoratio  
phori I  
ge

PAULI  
Missa

DESPO  
Missa. Sal  
VIII. die D  
Evangeli  
ut i

JOANNIS  
Episcopi  
*Missa. Sacerdos*  
*foris Pontifex*  
*Evangelista*  
*ut in*

XXIX. Januarij.  
FRANCISCI SALESII,  
Episcopi & Confessoris.  
*Missæ. Statuit ei Dominus. de Communi  
Confessoris Pontifici.*

O R A T I O.

**D**Eus, qui ad animarum salutem Beatum Franciscum Confessorem tuum atq; Pontificem, omnibus omnia factum esse voluisti, concede propitius: ut charitatis tuæ dulcedine perfusi, ejus dirigentibus monitis, ac suffragantibus meritis, æterna gaudia consequamur. Per Dominum nostrum, &c.

**V**irgo Domine, quoniam tribulus  
conturbatus est venter tuus. Sub  
meritis filiorum iustitiam. de *Communi*  
*Virginum.*

O R A T I O.

**O**Mnipotens, sempiternus Deus, qui es  
Sanctarum gloria Virginum, Cle-  
mentiam tuam suppliciter exoramus: ut  
per merita Beatæ Virginis tuæ Brigidæ,  
opportunitum tuæ pietatis auxilium sentia-  
mus. Per Dominum, &c.

III. Februarij.  
BEATÆ LUDOVICÆ ALBERTONIÆ  
Viduz.

*Missä. Cognovi Domine. per totum. & sic  
commem. S. Blasij Episc.*

IV. Februarij.  
ANDRÆ CORSINI,  
Episcopi & Confessoris.

*Miss.* Statuit ei Dominus, &c.



# INDEX SANCTORUM.

21. Thome Martyr.  
22. Constantini Episcopi.  
23. Eusebii Confessoris. *Ordin.*

## OCTOBER

1. Michaelis Archangelus & Ruffini B. Virginis.  
2. Marci Evangelistae.  
3. Francisci Confessoris.  
4. Augustini Episcopi.  
5. Agathe Virginis.  
6. Maximiliani Episcopi.  
7. Burchardi Episcopi.  
8. Terentii Virgini.  
9. Eusebii Confessoris.  
10. Modesti Episcopi.  
11. Petri & Pauli Apostolorum.  
12. Hilarii & Sociorum Martyrum.  
13. Marci Evangelistae.  
14. Marci Martyris.

15. Columbani Martyris.  
16. Valsingi Episcopi.

## NOVEMBER

1. Novembrii Caroli Episcopi.  
2. Eusebii Daciae Haereticus.  
3. Leopoldi Cookiflori.  
4. Josaphat Episcopi.  
5. Beate Salome Virginis.  
6. Elizabeth Regine Hungariae.  
7. Omnium Sanctorum Ord. M.  
8. Venceslai Martyris.  
9. Jacobi de Marchia. *Ordin.*  
10. Felicii de Valois.

## DECEMBER

1. Decembrii. Romanae Virginis.  
2. Francisci Xaverii.  
3. Barbara Virginis.

# MISSAE VOTIVAE.

De Sancto Sebastiano, contra  
De Sancto Rocho, contra pestem.

De Sancto Sebastiano, contra  
De Sancto Rocho, contra pestem.

ecclesiam  
anorum  
sis mira.  
e propi-  
ois imi-  
gradien-  
ire me-  
n, &c.  
post me.  
Cont-

FORT.  
fessoris

lum poeni-  
nem Mini-  
das mirabi-  
us interces-  
facere, &  
enire valea-  
n, &c.

ESSORIS.  
it. de Communi  
Ecce nos  
Com-

ut victorum non impere  
tām gloriosis provocamur exemplis. Per  
Dominum nostrum, &c.

XII. Februarij.  
**LAURENTII JUSTINIANI,**  
Episcopi & Confessoris.

*Missā. Sacerdotes tui. de Communi Confessa-  
riū Pontificis.*

## ORATIO.

**P**resta, quæsumus, omnipotens Deus:  
ut Beati Laurentij Confessoris tui atq;  
Pontificis, cujus gaudemus meritis, instru-  
amur exemplis, atque doctrinis. Per Do-  
minum nostrum, &c.

*Evangelium. Nemo accendit lucernam.  
de eodem Communi.*

XVI. Februarij.  
**CANUTI REGIS & MARTYRIS.**

*Missā. In virtute tua. de Communi  
unius Martyris.*

ERASMI  
& Mart.

*Missā. Sacerdotes Dei. de Communi  
unius Martyris.*

## ORATIO.

**D**eus, cujus virtute Beatus Erasmus  
Martyr & Pontifex, multa tormen-  
torum genera superavit, fac nos quæsu-  
mus; ejus intercessione, universas insidias  
inimicorum nostrorum visibilibus, & invi-  
sibilibus cum gaudio superare, & in Chri-  
sto bonis operibus abundare. Per eundem  
Dominum nostrum, &c.

XXIII. Februarij.  
**MARGARITÆ DE CORTONA.**

*Missā. Cognovi. ut in Communi nec Vir-  
ginum, nec Martyrum.*

IV. Martij.



IV. Martij.  
CASIMIRI CONFESSORIS.

*Missa. Os justi. de Communi Confessoris  
non Pontificis.*

O R A T I O.

**D**Eus, qui inter regales delicias, & munda illecebras, sanctum Casimirum virtute constantie roborasti, quæsumus: ut ejus intercessione fideles tui terrena despiciant, & ad cælestia semper aspirent. Per Dominum nostrum, &c.

VI. Martij.  
COLETÆ VIRGINIS.

*Missa. Vultum tuum. de Communi pro Virgine tantum.*

O R A T I O.

**D**omine Jesu Christe, qui Beatam Coletam Sponsam tuam, innumeris dotibus decorasti; tribue quæsumus: ut quo spiritu Seraphicam Regulam pristinae puritati restituit, eodem intus reformari mereamur. Qui vivis & regnas cum Deo Patre, in unitate ejusdem Spiritus S. &c.

*Evangelium.*

Simile est regnum cælorum decem Virginibus.

VIII. Martij.  
ROSÆ VITERBIENSIS.

*Omnia ut in die ipsius 17. Septembris.*

IX. Martij.  
FRANCISCÆ VIDUÆ.

*Missa. Cognovi. ut in Communi nec Virginum nec Martyrum.*

O R A T I O.

**D**Eus, qui Beatam Franciscam Familiam tuam inter cætera gratie tue dona, familiari Angeli consuetudine decorasti: concede quæsumus, ut intercessionis ejus auxilio Angelorum consortium consequi mereamur. Per Dominum nostrum, &c.

XI. Martij.  
CATHARINÆ VIRGINIS.

*Missa. Dilexisti. ut in Communi pro Virgine tantum.*

O R A T I O.

**C**oncede nos famulos tuos Deus, Beatæ Catharinæ Virginis suffragiis ad-

juvari, cujus odore unguentorum trahimur ad tua sancta lætantes. Per Dominum nostrum, &c.

Feria VI.

POST DOMINICAM PASSIONIS.

*Missa. De septem Doloribus B. V. MARIE.*

*Quæ etiam vocatur Missa: Nostræ  
Domine Pietatis.*

*Introitus.*

**C**umque vidisset Jesus Matrem, & discipulum stantem quem diligebat, dixit Matri suæ: Mulier, ecce filius tuus. *Psalmus.* Stabant juxta crucem Jesu, Mater ejus, & soror Matris ejus Maria Cleopha, & Maria Magdalene. *Ÿ. Gloria Patri, &c.*

O R A T I O.

**I**nterveniat pro nobis, quæsumus Domine Jesu Christe, apud tuam sanctam clementiam nunc & in hora mortis nostræ piissima Virgo Maria Mater tua: cujus sacratissimam animam in hora benedictæ passionis tue doloris gladius pertransivit: & in gloriosissima resurrectione tua, ingens gaudium lætificavit. Qui vivis & regnas in unitate Spiritus Sancti Deus, &c.

*Lectio Jeremiæ Prophetæ.*

**V**ide, Domine, quoniam tribulor: conturbatus est venter meus. Submersum est cor meum in memetipsa: quoniam amaritudine plena sum. Foris interficit gladius: & domi mors similis est. Audierunt quia ingemisco ego, & non est qui consoletur me. Omnes inimici mei audierunt malum meum: lætati sunt quoniam tu fecisti. Adduxisti diem consolationis: & fient similes mei. Multi enim gemitus mei, & cor meum incedens.

*Graduale.* Deus vitam meam annuntiavi tibi: posuisti lacrymas meas in conspectu tuo. *Ÿ. Exaudivit Dominus vocem fletus mei: Dominus orationem meam suscepit. Alleluja, alleluja. Ÿ. Ante thronum Trinitatis, miserorum miserata, pia Mater pietatis, sis pro nobis advocata, causam nostræ paupertatis, coram Deo suscipe, & veniam de peccatis servis tuis obtine. Alleluja.*



*Tempore Paschali.* Alleluja, Alleluja. *℣.* Dulcis Mater dulci Nato dulcia ferens pondera, quæ sola fuisti digna sustinere Regem cœlorum & Dominum. Alleluja. *℣.* Ante thronum, *ut supra.*

*A Septuagesima usque ad Pascha, Tractus.* Stabat Mater dolorosa, juxta crucem lacrymosa, dum pendebat Filius. *℣.* Cujus animam gementem, contristantem & dolentem pertransiuit gladius. *℣.* Pro peccatis suæ gentis, Jesum vidit in tormentis, & flagellis subditum. *℣.* Vidit suum dulcem Natum, morientem, desolatum, dum emisit spiritum. *℣.* Fac nos Virgo custodiri, cruce Christi præmuniri, confoveri gratia. *℣.* Quando corpus morietur, fac ut animæ donetur paradisi gloria.

Sequentia sancti Evangelij secundum Joannem.

**I**n illo tempore, stabant juxta crucem Jesu Mater ejus, & soror Matris ejus Maria Cleopha, & Maria Magdalene. Cum vidisset ergo Jesus Matrem, & Discipulum stantem, quem diligebat, dicit Matri suæ: Mulier, ecce filius tuus. Deinde dicit Discipulo: Ecce Mater tua. Et ex illa hora accepit eam Discipulus in sua. *Credo.*

*Offert.* Recordare Virgo Mater Dei, dum steteris in conspectu Dei, ut loquaris pro nobis bona, & ut avertas indignationem suam à nobis.

*Secreta.*

**D**omine Jesu Christe, qui pendens in cruce, de custode Matri mœstissimæ providisti, ex qua humanam sumpsisti naturam; præsta quæsumus: ut interveniente merito cruciatus animi ejusdem Virginis Matris piissimæ, ipsa humanitas tua sub sacramento intellecta, sit contra quæcumque mala nobis in præsidium, in augmentum gratiæ, & vitæ æternæ præmium. Qui vivis & regnas Deus, &c.

*Præfatio.* Et te in transfixione.

*Communio.* Felices sensus Beatæ Mariæ Virginis, quæ sine morte meruerunt martyrij palmam sub cruce Domini.

*Postcommunio.*

**S**acrificia, quæsumus Domine Jesu Christe, transfixionem Matris tuæ, & Virginis devotè celebrantes, nobis impetrent apud Clementiam tuam omnis boni salutaris effectum. Qui vivis & regnas, &c.

V. Aprilis.

VINCENTII FERRERII,  
Confessoris.

*Missæ.* Os justii. *ut in Communi Confessoris non Pontificis.*

O R A T I O.

**D**eus, qui Ecclesiam tuam Beati Vincentij Confessoris tui meritis & prædicatione illustrare dignatus es: concede nobis famulis tuis; ut & ipsius instruiamur exemplis, & ab omnibus, ejus patrocinio, liberemur adversis. Per Dominum &c.

XIII. Aprilis.

HERMENEGILDI REGIS  
& Martyris.

*Missæ.* In virtute. *de Communi unius Martyris.*

O R A T I O.

**D**eus, qui Beatum Hermenegildum, Martyrem tuum cælesti regno terrenum postponere docuisti: da quæsumus nobis ejus exemplo caduca despiciere, atq; æterna sectari. Per Dominum &c.

*Evangelium.* Si quis venit ad me. *ut in Missa, Statuit, de eodem Communi unius Martyris. Si autem celebretur post Pascha, Missæ.* Protexisti. *ut in Communi Tempore Paschali.* *Evang.* Si quis venit ad me. *ut ibidem.*

XXIII. Aprilis.

ADALBERTI EPISCOPI  
& Martyris.

*Missæ.* Protexisti. *ut in Communi unius Martyris tempore Paschali.*

O R A T I O.

**O**mnipotens, sempiternus Deus, qui hodiernâ die Beatum Adalbertum Martyrem tuum atque Pontificem, merito passionis Sanctis tuis sociare dignatus es: tribue quæsumus, ut per ejus exempla ad patriam perveniamus æternam. Per Dominum nostrum &c.

*Lectio.* Charissimi, omne gaudium. *ut in Communi unius Martyris. Dicitur Credo.*

*Postcomm.*



*Postcommunio.*

**B**Eati Adalberti Martyris tui atque Pontificis intercessione, Domine, placatus: præsta quæsumus, ut quæ temporali celebramus actione, perpetuâ salvatione capiamus. Per Dominum &c.

XXVIII. Aprilis.

TRANSLATIO S. PETRI DE ALcantara, Confessoris.

*Missa.* Mihi autem. *ut in die 19. Octobris. Omititur Graduale, non dicitur Credo.*

O R A T I O.

**D**Eus, qui animam Beati Petri Confessoris tui charismatum donis, & corpus crucis mortificatione decorasti; concede precibus nostris, ut qui ejus recolimus translationis memoriam, virtutum quoq; imitemur exempla. Per Dominum &c.

Feria VI.

POST DOMINICAM IN ALBIS.

*Missa.* De Lancea, & Clavis Domini.

*Introitus.*

**F**oderunt manus meas, & pedes meos: dinumeraverunt omnia ossa mea: & sicut aqua effusus sum. Alleluja, allel. allel. *Psalmus.* Factum est cor meum, tanquam cera liquecens; in medio ventris mei.

Gloria Patri, &c.

O R A T I O.

**D**Eus, qui in assumptæ carnis infirmitate clavis affigi, & lanceâ vulnerari pro mundi salute voluisti, concede propitius; ut qui eorundem clavorum, & lanceæ solemnina veneramur in terris, de glorioso victoriæ triumpho gratulemur in cælis. Qui vivis & regnas, cum Deo Patre, &c.

*Lectio Zachariæ Proph.* Hæc dicit Dñus.

*ut in Missa de Passione Domini.* Humiliavit.

Alleluja, allel. Ave rex. *ibidem.*

*Evang.* Sciens Jesus. *ibidem.*

*offer.* Insurrexerunt. allel. *ut ibidem.*

*Secreta.*

**S**anctificet nos, quæsumus Domine, hoc sanctum & immaculatum Sacrificium vespertinum: quod unigenitus Filius tuus in cruce obtulit pro salute mundi. Qui tecum vivit & regnat in unitate Spiritus sancti Deus, per omnia sæcula sæculorum.

*Communio.* Videbunt in quem transfixerunt, cum moverentur fundamenta terræ. Alleluja.

*Postcommunio.*

**D**omine Jesu Christe, qui temetipsum in cruce holocaustum immaculatum & spontaneum Deo Patri obtulisti: quæsumus; ut ejusdem sacrificij oblatio veneranda, indulgentiam nobis obtineat, & gloriam sempiternam. Qui vivis &c.

Dominica III. post Pascha.

S. RAPHAELIS ARCHANGELI.

*Introitus.*

**E**go sum Azarias, Ananiæ magni filius, ego sum Raphaël Archangelus: unus ex septem qui astamus ante conspectum Domini: pax vobis: nolite timere: Dominus exaudivit preces vestras: & misit me ad vos, ut curem vos, Alleluja. *Psalm.* Benedicite Dominum omnes electi ejus: agite diem lætitiæ, & confitemini illi. *Y.* Gloria Patri, &c.

O R A T I O.

**D**Eus, qui Beatum Raphaëlem Archangelum Tobix famulo tuo comitem dedisti in via, concede nobis famulis tuis: ut ejusdem semper protegamur custodia, & muniamur auxilio. Per Dominum &c.

*Lectio libri Tobix.*

**D**ixit Angelus Raphaël ad Tobiam: Et enim sacramentum regis abscondere bonum est. Opera autem Dei revelare & confiteri, honorificum est. Bona est oratio cum jejuniis & eleemosyna, magis quam thesauros auri recondere: quoniam eleemosyna à morte liberat, & ipsa est quæ purgat peccata: & facit invenire vitam æternam. Qui autem faciunt peccatum, & iniquitatem: hostes sunt animæ suæ. Manifesto ergo vobis veritatem, & non abscondam à vobis occultum sermonem. Quando orabas cum lacrymis, & sepeliebas mortuos, & derelinquebas prandium, & abscondebas mortuos per diem in domo tua, & nocte sepeliebas eos: ego obtuli orationem tuam Domino. Et quia acceptus eras Deo, necesse fuit, ut tentatio probaret te. Et

B

nunc



nunc misit me Dominus, ut curarem te: & Saram uxorem filij tui à dæmonio liberarem. Ego enim sum Raphaël Angelus, unus ex septem qui astamus ante Dñum.

*Tempore Paschali.* Alleluja, allel. Benedic anima mea Dominum, & omnia interiora mea nomen sanctum ejus, Alleluja. *Ÿ.* Misus est Angelus Domini sanctus Raphaël à Deo, ad Tobiam, & salutavit eum, & dixit: Gaudium sit tibi semper, Alleluja.

*Graduale, extra tempus Paschale.* Angelus Domini Raphaël apprehendit, & ligavit dæmonem. *Ÿ.* Magnus Dominus noster, & magna virtus ejus. Alleluja, allel. *Ÿ.* In conspectu Angelorum psallam tibi, adorabo ad templum sanctum tuum, & confitebor nomini tuo Domine. Alleluja.

*Post Septuagesimam Tractus.* Laudate Dominum omnes Angeli eius, laudate eum omnes virtutes ejus. *Ÿ.* Benedicite Domino omnes virtutes ejus: ministri ejus qui facitis voluntatem ejus.

*Sequentia sancti Evangelij secundum Joannem.*

**I**N illo tempore, erat dies festus Judæorum, & ascendit Jesus Jerosolymam. Est autem Jerosolymis probatica piscina, quæ cognominatur Hæbraicæ Bethesda, quinque porticus habens. In his jacebat multitudo magna langventium, cæcorum, claudorum, aridorum, expectantium aquæ motum. Angelus autem Domini, secundum tempus descendebat in piscinam: & movebatur aqua. Et qui prior descendisset in piscinam post motionem aquæ, sanus fiebat, à quacunque detinebatur infirmitate.

*Offertorium.* Stetit Angelus juxta aram templi, habens thuribulum aureum in manu sua: & data sunt ei incensa multa, & ascendit fumus aromatum in conspectu Dei. Alleluja.

*Secreta.*

**H**OSTIAS tibi Domine, laudis offerimus, suppliciter deprecantes, ut eisdem Angelico pro nobis interveniente suffragio, & placatus accipias, & ad salutem nostram provenire concedas. Per Dominum;

*Communio.* Benedicite omnes Angeli Domini Dominum: Hymnum dicite, & tu perexaltate eum in sæcula. Alleluja.

*Postcommunio.*

**D**IRIGERE dignare Domine Deus, in adiutorium nostrum, sanctum Raphaëlem Archangelum: & quem tuæ Majestati semper assistere credimus, tibi nostras exiguas preces benedicendas assignet. Per Dominum nostrum, &c.

*IV. Maji.*

**FLORIANI & SOCIORUM**  
Martyrum.

*Missæ.* Sancti tui, Domine, de pluribus Martyribus tempore Paschali.

*ORATIO.* Deus qui nos concedis, ut ibidem in eadem Missa.

*V. Maji.*

**BEATI PII QUINTI PAPÆ**  
& Confessoris.

*Missæ.* Statuit ei, de Communi Confessoris Pontificis. Et sit commemoratio Festi Simplicis, sancti Gothardi Episcopi & Confessoris. *ORATIO.* Exaudi, quæsumus Domine, ut in Missa de eodem Communi.

*X. Maji.*

**CATHARINÆ SENENSIS**  
Virginis.

*Missæ.* Dilexisti, ut in Communi pro Virgine tantum.

*ORATIO.*

**D**A quæsumus omnipotens Deus: ut qui Beatæ Catharinæ Virginis tuæ natalitia colimus, & annua solemnitate lætemur, & tantæ virtutis proficiamus exemplo. Per Dominum &c.

*Et sit commemoratio SS. Gordiani & Epimachi Martyrum. ut in Missali Romano.*

*Secreta.*

**A**SCendant ad te, Domine, quæ in beatæ Catharinæ solemnitate offerimus preces, & hostia salutaris virginis fragrans odore. Per Dominum &c.

*Postcommunio.*

**Æ**TERNITATEM nobis Domine conferrat, quæ passi sumus, mensa celestis, quæ beatæ Catharinæ Virginis vitam etiam aluit temporalem. Per Dominum.

*XI. Maji.*



XI. Maji.  
MONICÆ VIDUÆ.

*Missa. Cognovi, de Viduis.*

ORATIO.

**D**Eus mœrentium consolator, & in te  
sperantium salus, qui beatæ Monicæ  
pias lacrymas in conversione filij sui Augu-  
stini misericorditer suscepisti: da nobis  
utriusque interventu peccata nostra deplo-  
rare, & gratiæ tuæ indulgentiam invenire.  
Per Dominum &c.

XVII. Maji.  
BEATI PASCHALIS  
Confessoris.

*Missa. Os justii. de Communi Confessoris  
non Pontificis.*

XIX. Maji.  
BEATI FELICIS Confessoris.  
*Missa. Justus ut palma, de Communi Confessoris  
non Pontificis, & commemoratio  
S. Pudentiæ Virg.*

XX. Maji.  
BERNARDINI CONFESSORIS.  
*Missa, ut in Festis Ordinis per omnia.*

ORATIO.

**D**omine Jesu, qui beato Bernardino  
Confessori tuo, eximium sancti No-  
minis tui amorem tribuisti: ejus, quæsu-  
mus, meritis & intercessione, spiritum no-  
bis tuæ dilectionis benignus infunde. Qui  
vivis & regnas, &c.

XXVI. Maji.  
PHILIPPI NEREI Confessoris.  
*Missa. Os justii. ut in Communi Confessoris  
non Pontificis.*

ORATIO.

**D**Eus, qui beatum Philippum Confesso-  
rem tuum, sanctorum tuorum gloria  
sublimasti: concede propitius; ut cujus so-  
lemnitate lætamur, ejus virtutum proficia-  
mus exemplo. Per Dominum &c.

XXVIII. Maji.  
VENANTII MARTYRIS.  
*Missa. Protexisti. ut in Communi unius Martyris  
tempore Paschali.*

ORATIO.

**D**Eus, qui hunc diem beati Venantij  
Martyris tui triumpho consecrasti:  
exaudi preces populi tui, & præsta; ut qui

ejus merita veneramur, fidei constantiam  
imitemur. Per Dominum &c.

*Si autem celebretur post Pascha, Missa. In vir-  
tute tua, de Communi unius Mart. non Pontificis.  
Evangelium. Si quis venit ad me. de Communi  
unius Martyris Pontificis.*

XXIX. Maji.  
PETRI COELESTINI  
Papæ & Confessoris.

*Missa. Statuit ei Dominus.*

ORATIO.

**D**Eus, qui beatum Petrum Cœlestinum  
ad summi Pontificatus apicem subli-  
masti; quique illum humilitati postponere  
docuisti: concede propitius; ut ejus exem-  
plo cuncta mundi despicere, & ad promif-  
sa humilibus præmia pervenire feliciter  
mereamur. Per Dominum nostrum, &c.

*Evangelium. Ecce nos reliquimus omnia.  
de Communi Abbatum. Et fit commemoratio S. Fe-  
licis Papæ. nisi Festum S. Petri ob diem Domini-  
cum transferatur.*

XXX. Maji.  
MARIE MAGDALENE  
de Pazzis, Virginis.

*Missa. Dilexisti justitiam. de Communi  
pro Virgine tantum.*

ORATIO.

**D**Eus virginitatis amator, qui beatam  
Mariam Magdalenam Virginem tuo  
amore succensam, cœlestibus donis deco-  
rasti: da, ut quam festiva celebritate vene-  
ramur, puritate & charitate imitemur. Per  
Dominum nostrum, &c.

XXXI. Maji.  
FERDINANDI REGIS  
& Confessoris.

*Missa. Justus ut palma. de Communi  
Confessoris non Pontificis.*

ORATIO.

**D**Eus, qui beato Confessori tuo Ferdi-  
nando, præliari prælia tua, & fidei ini-  
micos superare docuisti: concede, ut ejus  
nos intercessione muniti, ab hostibus men-  
tis & corporis liberemur. Per Dominum  
nostrum Jesum Christum Filium tuum,  
qui tecum vivit & regnat, &c.

*Et fit commem. S. Petronillæ Virginis.*

B 2

Feria II.



Feria II. Rogationum.  
TRANSLATIO S. DIDACI  
Confessoris.

*Omnia ut in die, 13. Novembris.*

O R A T I O.

**D**Eus, qui per Translationem corporis beati Didaci Confessoris tui, ejus gloriam in terris renovasti; concede propitius: ut ipsius precibus nos spiritu renovati, æterna præmia consequi mereamur in cælis. Per Dominum &c.

*Et sit commemor. Feriæ 2. Rogation.*

Allel. allel. *Ÿ.* Justus ut palma florebit, sicut Cedrus Libani multiplicabitur. allel. *Ÿ.* Justus germinabit sicut lilium, & florebit in æternum ante Dominum. alleluja.

*Non dicitur Credo, nisi celebretur infra Octavam S. Bernardini.*

IV. Junij.

QUIRINI EPISCOPI  
& Martyris.

*Missæ. Statuit ei Dominus. de Communi unius Martyris Pontificis.*

VI. Junij.

NORBERTI EPISCOPI  
& Confessoris.

*Missæ. Statuit ei. de Communi Confessoris Pontificis.*

O R A T I O.

**D**Eus, qui beatum Norbertum Confessorem tuum atque Pontificem, verbi tui præconem eximium effecisti, & per eum Ecclesiam tuam novâ prole secundasti: præsta quæsumus; ut ejusdem subrogantibus meritis, quod ore simul & opere docuit, te adjuvante exercere valeamus. Per Dominum nostrum, &c.

XVI. Junij.

S. BENNONIS EPISCOPI  
& Confessoris.

*Missæ. Statuit ei Dominus. de eodem Communi.*

O R A T I O.

**D**Eus, qui nos beati Bennonis Pontificis confessione gloriosâ circumdas & protegis: da nobis & ejus imitatione proficere, & intercessione gaudere. Per Dominum.

*Secreta.*

**S**andus tuus quæsumus Domine Benno Confessor & Pontifex nos ubique læti-

ficet; ut dum eorum merita recolimus gloriosa, apud te semper patrocinia sentiamus. Per Dominum &c.

*Postcommunio.*

**Q**uæsumus Domine salutaribus repleti mysterijs, ut sancti tui Bennonis Confessoris & Pontificis, cujus solemnia celebramus, etiam intercessione adjuvemur. Per Dominum nostrum, &c.

XIX. Junij.

S. BONIFACII MARTYRIS.

*Missæ. In virtute tua. de Communi unius Mart.*

*Si autem celebretur infra tempus Paschale, Missæ. Protexisti.*

XXVII. Junij.

LADISLAI REGIS,

Confessoris.

*Missæ. Os justi. de Communi Confessoris non Pontificis.*

O R A T I O.

**D**Eus, qui beatum Regem Ladislaum Confessorem tuum, diversis decorasti miraculis: præsta quæsumus; ut ejus suffragantibus meritis, ab omnibus semper muniamur adversis, & gaudiis perfruamur æternis. Per Dominum nostrum, &c.

*Non fit commemor. Q. Ave. S. Joannis Baptiste, Lectio. Justum deduxit Dominus. et habetur in Communi de uno Martyre non Pontifice. Dicitur Credo.*

*Secreta.*

**H**ostias piæ placationis offerimus clementiæ tuæ, omnipotens Deus: quas beati Regis Ladislai Confessoris tui meritis & precibus, & placatus accipias, & clementer dispenses. Per Dominum &c.

*Postcommunio.*

**S**acramenta, Domine, salutaria fumentes, clementiam tuam humiliter exoramus: ut intercessione beati Regis Ladislai Confessoris tui, & præsentibus non destituamur subsidiis, & gaudiis perfruamur æternis. Per Dominum &c.

IV. Julij.

ELIZABETH REGINÆ

Portugalliæ.

*Missæ. Cognovi Domine. de Communi non Virginitatis.*

O R A T I O.



ORATIO.

**C**lementissime Deus, qui beatam Elisabetham Reginam, inter ceteras egregias dotes, bellici furoris sedandi prærogativa decorasti: da nobis ejus intercessione, post mortalis vitæ, quam suppliciter petimus, pacem, ad æterna gaudia pervenire. Per Dominum nostrum, &c.

VIII. Julij.

S. MARGARITÆ REGINÆ

Scotiæ.

*Missæ. Cognovi Domine. de Communi non Virginum.*

ORATIO.

**D**eus, qui beatam Margaritam Scotorum Reginam, eximiâ in pauperes charitate mirabilem effecisti: da, ut ejus intercessione, & exemplo, tua in cordibus nostris charitas jugiter augeatur. Per Dominum nostrum, &c.

IX. Julij.

SS. NICOLAI, & SOCIORUM  
Martyrum, Ordinis Minorum.

*Missæ. Intret in conspectu tuo. de Communi plurimorum Martyrum.*

ORATIO.

**D**eus, qui beatorum Martyrum tuorum Nicolai & sociorum ejus, gloriosum pro fide tua certamen æternitatis laureâ decorasti, concede propitius: ut eorum meritis & imitatione, certantes in terris; cum ipsis coronari mereamur in cælis. Per Dominum nostrum, &c.

XII. Julij.

S. JOANNIS GUALBERTI  
Abbatis.

*Missæ. Os justî. de Communi Abbatum. ORATIO. Intercessio, &c. Et sit commemoratio SS. Naboris & Felicis Martyrum.*

Sequentia sancti Evangelij secundum  
Matthæum.

**I**n illo tempore, dixit Jesus discipulis suis: Audistis quia dictum est: Diliges proximum tuum, & odio habebis inimicum tuum. Ego autem dico vobis: Diligite inimicos vestros, benefacite his qui oderunt vos: & orate pro persequentibus & calumniantibus vos: ut sitis filii Patris

vestri, qui in cælis est: qui solem suum oriiri facit super bonos & malos: & pluit super justos & injustos. Si enim diligitis eos qui vos diligunt, quam mercedem habebitis? Nonne & Publicani hoc faciunt? Et si salutaveritis fratres vestros tantum, quid amplius facitis? Nonne & ethnici hoc faciunt? Estote ergo vos perfecti, sicut & Pater vester cælestis perfectus est.

XIII. Julij.

S. MARGARITÆ VIRGINIS  
& Martyris.

*Missæ. Me expectaverunt. pro Virgine & Martyre.*

ORATIO.

**D**eus, qui beatam Margaritam Virginem, per Martyrii palmam tui regni fecisti consortem: concede nobis quæsumus; ut per ejus exempla ad te pervenire mereamur. Per Dominum &c.

*Secreta.*

**H**æc victima, quæsumus Domine, pro beatæ Margaritæ Virginis oblata martyrio: & mentium nobis sanctitatem, & corporum obtineat sanitatem. Per.

*Postcommunio.*

**H**ujus Domine, sacramenti perceptione, & beatæ Margaritæ Virginis & Martyris intercessione: & tu in nobis manere dignare, & nos in te vicissim manere concede. Qui vivis & regnas, &c.

XV. Julij.

DIVISIO SS. APOSTOLORUM.

*Introitus.*

**M**ihi autem nimis honorati sunt amici tui Deus: nimis consortatus est principatus eorum. *Psalmus.* Domine probasti me, & cognovisti me: tu cognovisti sessionem meam & resurrectionem meam. *†. Gloria Patri.*

ORATIO.

**D**eus, qui Ecclesiam tuam, distributam per orbem terrarum, sanctorum Apostolorum prædicatione fundasti: concede propitius; ut quorum hodiernâ die, sub una celebritate recolimus insignia, eorum in cunctis necessitatibus nostris expectemur suffragia. Per Dominum &c.

C

Lectio



Lectio Epistolæ beati Pauli Apostoli  
ad Romanos.

**F**Ratres, Corde enim creditur ad iustitiam; ore autem confessio fit ad salutem. Dicit enim scriptura: Omnis qui credit in illum, non confundetur. Non enim est distinctio Judæi, & Græci: nam idem Dominus omnium, dives in omnes, qui invocant illum. Omnis enim quicumque invocaverit nomen Domini, salvus erit. Quomodo ergo invocabunt, in quem non crediderunt? aut quomodo credent ei, quem non audierunt? quomodo autem audient, sine prædicante? quomodo verò prædicabunt, nisi mittantur? sicut scriptum est: quàm speciosi pedes evangelizantium pacem, evangelizantium bona? sed non omnes obediunt Evangelio. Isaias enim dicit: Domine, quis credidit auditui nostro? Ergo fides ex auditu, auditus autem per verbum Christi. Sed dico: Nunquid non audierunt? Et quidem in omnem terram exivit sonus eorum, & in fines orbis terræ verba eorum.

*Graduale.* In omnem terram exivit sonus eorum: & in fines orbis terræ verba eorum. *℣.* Cæli enarrant gloriam Dei: & opera manuum ejus annuntiat firmamentum. Alleluja, allel. *℣.* Ego vos elegi de mundo, ut eatis, & fructum afferatis: & fructus vester maneat. Alleluja.

Sequentia sancti Evangelii secundum  
Matthæum.

**I**N illo tempore, dixit Jesus discipulis suis: Ecce ego mitto vos, sicut oves in medio luporum. Estote ergo prudentes sicut serpentes, & simplices sicut columbæ, Cavete autem ab hominibus. Tradent enim vos in Conciliis, & in Synagogis suis flagellabunt vos: & ad Præfides & Reges ducemini propter me, in testimonium illis, & gentibus. Cùm autem tradent vos, nolite cogitare quomodo, aut quid loquamini. Non enim vos estis qui loquimini, sed Spiritus Patris vestri, qui loquitur in vobis. Tradet autem frater fratrem in mortem, & pater filium: & insurgent filii in

parentes, & morte eos afficient: & eritis odio omnibus propter nomen meum. Qui autem perseveraverit usque in finem, hic salvus erit. Credo.

*Offertorium.* Constitues eos principes super omnem terram: memores erunt nominis tui Domine, in progenie & generatione.

*Secreta.*

**G**Loriam, Domine, sanctorum Apostolorum tuorum perpetuam venerantes; quæsumus: ut eam, sacris mysteriis expiati, digniùs celebremus. Per Dom.

*Præfatio de Apostolis.*

*Communio.* Amen dico vobis: quod vos, qui reliquistis omnia, & secuti estis me, centuplum accipietis, & vitam æternam possidebitis.

*Postcommunio.*

**Q**uæsumus Domine, salutaribus repleti mysteriis; ut quorum solemnia celebramus, eorum orationibus adjuvemur. Per Dominum nostrum, &c.

XVII. Julij.

SS. ANDRÆ & BENEDICTI  
Martyrum.

*Missæ.* Sapientiam Sanctorum. *per totum de Communi plurimorum Martyrum. Epistola.*

Frates, exhibeamus. *de eodem Communi.*

XIX. Julij.

FESTUM COMMÉMORATIONIS  
BEATÆ VIRGINIS Mariæ,  
de Monte Carmelo.

*Introitus.*

**G**Audeamus omnes in Domino, diem festum celebrantes sub honore Beatæ Mariæ Virginis: de cujus solemnitate gaudent Angeli, & collaudant Filium Dei. *Psalmus.* Eructavit cor meum verbum bonum, dico ego opera mea regi. *℣.* Gloria Patri, &c.

O R A T I O.

**D**Eus, qui Beatissimæ semper Virginis, & genitricis tuæ Mariæ, singulari titulo Carmeli Ordinem decorasti: concede propitiis, ut cujus hodie commemoracionem solemni celebramus officio, ejus munus præ-



ntri præfidiis ad gaudia sempiterna pervenire mereamur. Qui vivis, &c.

Lectio Libri Sapientiæ.

**E**GO quasi vitis fructificavi s(v)avitatem odoris: & flores mei fructus honoris, & honestatis. Ego mater pulchræ dilectionis, & timoris, & agnitionis, & sanctæ spei. In me gratia omnis viæ, & veritatis, in me omnis spes vitæ, & virtutis. Transite ad me omnes, qui concupiscitis me, & à generationibus meis implemini. Spiritus enim meus super mel dulcis: & hereditas mea super mel, & favum: memoria mea in generationes sæculorum. Qui edunt me adhuc esurient, qui bibunt me adhuc sitient. Qui audit me non confundetur, & qui operantur in me non peccabunt. Qui elucidant me, vitam æternam habebunt.

*Graduale.* Benedicta, & venerabilis es Virgo Maria, quæ sine tactu pudoris inventa es mater Salvatoris. *ÿ.* Virgo Dei genitrix quem totus non capit orbis, in tua se clausit viscera factus homo. Alleluja, allel. *ÿ.* Felix es sacra Virgo Maria, & omni laude dignissima, quia ex te ortus est sol iustitiæ. Alleluja.

Sequentia sancti Evangelij secundum Joannem.

**I**N illo tempore: Stabant juxta Crucem Jesu mater ejus, & soror matris ejus Maria Cleophæ, & Maria Magdalene. Cum vidisset ergo Jesus matrem, & discipulum stantem, quem diligebat, dicit matri suæ: Mulier, ecce filius tuus. Deinde dicit discipulo: Ecce mater tua. Et ex illa hora accipit eam discipulus in sua. Credo.

*Offertorium.* Offerentur Regi Virgines post eam, proximæ ejus afferentur in lætitia, & exultatione. Alleluja.

*Secreta.*

**S**ANCTIFICA Domine, quæsumus, oblata sacrificia: & Beatæ Dei genitricis Mariæ gloriosâ intercessionem, nobis salutaria fore concede. Per eundem &c.

*Præfatio.* Et te in Commemoratione.

*Communio.* Beata viscera Mariæ Virginis, quæ portaverunt æterni Patris Filium. allel.

*Postcommunio.*

**A**Djuvet nos, quæsumus Domine, gloriosæ tuæ genitricis, semperque Virginis Mariæ intercessio veneranda: ut quos perpetuis cumulavit beneficiis, à cunctis periculis absolutos tua faciat pietate concordere. Qui vivis, &c.

XX. Julij.

S. FRANCISCI SOLANI  
Confessoris.

*Missæ.* Os just. de Communi Confessoris  
non Pontificis.

O R A T I O.

**D**Eus, qui Ecclesiæ tuæ palmites usque ad mare, & propaggines ejus usque ad terminos orbis terrarum, extendere voluisti, concede propitius: ut vineam electam, quam plantavit dextera tua, è cælo respicere, & Beati Francisci Solani Confessoris tui meritis, & precibus visitare, & gratiâ tuâ perficere digneris. Per Dominum &c.

XXVII. Julij.

S. HENRICI IMPERATORIS.

*Missæ.* Os just. de Communi Confessoris  
non Pontificis.

O R A T I O.

**D**Eus, qui hodiernâ die beatum Henricum Confessorem tuum, è terreni culmine Imperii, ad Regnum æternum transtulisti: te supplices exoramus, ut sicut illum gratiæ tuæ ubertate præventum, illecebras sæculi superare fecisti, ita nos facias ejus imitatione, mundi hujus blandimenta vitare, & ad te puris mentibus pervenire. Per Dominum &c.

XXX. Julij.

S. ALEXII CONFESSORIS.

*Missæ.* Os just. ut in Communi Confessoris  
non Pontificis.

XXXI. Julij.

S. IGNATII SOCIETATIS JESU  
Fundatoris.

*Missæ.* Os just. de Communi Confessoris  
non Pontificis.

O R A T I O.

**D**Eus, qui ad majorem tui nominis gloriam propagandam, novo per beatum Ignatium subsidio militantem Ecclesiam  
C 2 robora-



roborasti; concede, ut ejus auxilio & imitatione certantes in terris, coronari cum ipso mereamur in cælis, Qui vivis, &c.

*Secreta, & Postcom. de Commu. 2. loco.*

VII. Augusti.

S. CAJETANI THIENÆI  
Confessoris.

*Missæ. Os justi. de Communi Confess. non Pontific.*

O R A T I O.

**D**Eus, qui beato Cajetano Confessori tuo Apostolicam vivendi formam imitari tribuisti: da nobis ejus intercessione, & exemplo in te semper confidere, & solæ cælestia desiderare. Per Dominum &c.

XX. Augusti.

SANCTI STEPHANI REGIS,  
& Patroni Hungariæ.

*Introitus.*

**J**ustus ut palma florebit, sicut cedrus Libani multiplicabitur: plantatus in domo Domini, in atriis domus Dei nostri. *Psalms.* Noli æmulari in malignantibus: neque zelaveris facientes iniquitatem. *†.* Gloria Patri, &c.

O R A T I O.

**C**oncede quæsumus Ecclesiæ tuæ, omnipotens Deus: ut beatum Stephanum Confessorem tuum, quem regnantem in terris propagatorem habuit, propugnatorem habere mereatur gloriosum in cælis. Per Dominum nostrum, &c.

LECTIO libri Sapientiæ.

**B**eatus vir, qui inventus est sine macula, & qui post aurum non abiit, nec speravit in pecunia & thesauris. Quis est hic, & laudabimus eum? Fecit enim mirabilia in vita sua. Qui probatus est in illo, & perfectus est, erit illi gloria æterna. Qui potuit transgredi, & non est transgressus; facere mala, & non fecit. Ideo stabilita sunt bona illius in Dño: & eleemosynas illius enarrabit omnis Ecclesia Sanctorum.

*Graduale.* Os justi meditabitur sapientiam, & lingua ejus loquetur judicium. *†.* Lex Dei ejus in corde ipsius, & non supplantabuntur gressus ejus. Alleluja, alleluja. *†.* *Psalms.* Beatus vir, qui timet Dominum: in mandatis ejus cupit nimis. Alleluja.

Sequentia sancti Evangelii  
secundum Lucam.

**I**n illo tempore; dixit Jesus discipulis suis parabolam hanc: Homo quidam nobilis abiit in regionem longinquam, accipere sibi regnum, & reverti. Vocatis autem decem servis suis, dedit eis decem mnas, & ait ad illos; Negotiamini dum venio. Cives autem ejus oderant eum: & miserunt legationem post illum, dicentes: Nolumus hunc regnare super nos. Et factum est ut rediret accepto regno: & jussit vocari servos, quibus dedit pecuniam, ut sciret quantum quisque negotiatus esset. Venit autem primus, dicens: Domine, mna tua decem mnas acquisivit. Et ait illi: Euge bone serve, quia in modico fuisti fidelis, eris potestatem habens super decem civitates. Et alter venit, dicens: Domine, mna tua fecit quinque mnas. Et huic ait: Et tu esto super quinque civitates. Et alter venit, dicens: Domine, ecce mna tua, quam habui repositam in sudario. Timui enim te, quia homo austerus es: tollis quod non posuisti, & metis quod non seminasti. Dicit ei: De ore tuo te judico serve nequam. Sciebas quod ego homo austerus sum, tollens quod non posui, & metens quod non seminavi: & quare non dedisti pecuniam meam ad mensam, ut ego veniens, cum usuris utique exegissem illam? Et astantibus dixit: Auferte ab illo mnam, & date illi qui decem mnas habet. Et dixerunt ei: Domine, habet decem mnas. Dico autem vobis, quia omni habenti dabitur, & abundabit: ab eo autem qui non habet, & quod habet auferetur ab eo. Credo.

*Offertorium.* In virtute tua Domine laetabitur justus, & super salutare tuum exultabit vehementer: desiderium animæ ejus tribuisti ei.

*Secreta.*

**S**acrificium, Dñe, quod tuæ offerimus majestati, benigno vultu respice: & intercessione beati Stephani Confessoris tui, nos ab omnium inimicorum insidiis defende, & vitæ æternæ præmia concede. Per:

*Communic.*



*Communio.* Beatus servus, quem, cum venerit Dominus, invenerit vigilantem: amen dico vobis, super omnia bona sua constituet eum.

*Postcommunio.*

**T**uere, quæsumus Domine, familiam tuam: & quam per doctrinam beati Regis Stephani Confessoris tui, de tenebris ad veram lucem convertisti; eam post huius temporis decursum, percepti sacrificii munimine, clementer perducas ad regna cælorum. Per Dominum &c.

XXIII. Augusti.

S. PHILIPPI BENITII  
Confessoris.

*Missæ.* Justus ut palma. de Communi Confessoris non Pontificis, cum commemorat. Octavarum

S. Stephani, & Ludovici, & Vigilia  
S. Bartholomæi.

XXX. Augusti.

S. ROSÆ LIMANÆ VIRGINIS.

*Missæ.* Dilexisti. de Communi Virgin. & fit comm.  
SS. Felicis, & Adæucti Marizrum.

O R A T I O.

**B**onorum omnium largitor, omnipotens Deus, qui beatam Rosam, cælestis gratiæ rore præventam, virginitatis & patientiæ decore Indis florescere voluisti: da nobis famulis tuis; ut in odorem svavitatis ejus currentes, Christi bonus odor effici mereamur. Per eundem Dominum.

XXXI. Augusti.

S. RAJMUNDI NONNATI  
Confessoris.

*Missæ.* Os iusti. de Communi Confess. non Pontificis.

O R A T I O.

**D**eus, qui in liberandis Fidelibus tuis, ab impiorum captivitate, beatum Rajmundum Nonnatum Confessorem tuum mirabilem effecisti; ejus nobis intercessionem concede: ut à peccatorum vinculis absoluti, quæ tibi sunt placita, liberis mentibus exequamur. Per Dominum.

Dominica I. Septembris.

MISSA DE S. ANGELO CUSTODE.

*Introitus.*

**A**dorate Dominum omnes Angeli ejus, potentes virtute, qui facitis ver-

bum ejus, ad audiendam vocem sermonum ejus. *Psalmus.* Benedic anima mea Domino: & omnia quæ intra me sunt, nomini sancto ejus. *ÿ.* Gloria Patri.

O R A T I O.

**D**eus, qui ineffabili providentia sanctos Angelos tuos ad nostram custodiam mittere dignaris: largire supplicibus tuis, & eorum semper protectione defendi, & æterna societate gaudere. Per Dominum.

LECTIO libri Exodi.

**H**æc dicit Dominus Deus: Ecce ego mittam Angelum meum qui præcedat te, & custodiat in via, & introducat in locum quem paravi. Observa eum, & audi vocem ejus, nec contemnendum putes: quia non dimittet cum peccaveris, & est nomen meum in illo. Quod si audieris vocem ejus, & feceris omnia quæ loquor, inimicus ero inimicis tuis, & affligam affligentes te: præcedetque te Angelus meus.

*Graduale.* Angelis suis Deus mandavit de te, ut custodiant te in omnibus viis tuis. *ÿ.* In manibus portabunt te, ne fortè offendas ad lapidem pedem tuum. Alleluja, allel. *ÿ.* Benedicite Domino omnes virtutes ejus, ministri ejus, qui facitis voluntatem ejus. Alleluja.

*Tractus.* Benedicite Dominum omnes Angeli ejus, potentes virtute, qui facitis verbum ejus. *ÿ.* Benedicite Domino omnes virtutes ejus: ministri ejus, qui facitis voluntatem ejus. *ÿ.* Benedicite Domino omnia opera ejus, in omni loco dominationis ejus, benedic anima mea Domino.

*Tempore Paschali.* Allel. allel. In conspectu Angelorum psallam tibi, adorabo ad templum sanctum tuum, & confitebor nomini tuo Domine. Allelu. *ÿ.* Angelus Dñi descendit de cælo, & accedens revolvit lapidem, & sedebat super eum. Alleluia.

*Evangelium. sicut in festo S. Michaelis Archangeli. Et dicitur Credo.*

*Offertorium.* Adorate Dominum omnes Angeli ejus: ministri ejus facientes verbum illius, ad audiendam vocem sermonum ejus.

*Secreta.*



*Secreta.*

**S**uscipe Domine, munera, quæ pro san-  
ctorum Angelorum tuorum veneratio-  
ne deferimus: & concede propitius, ut per-  
petuis eorum præsidiiis, à præsentibus peri-  
culis liberemur, & ad vitam perveniamus  
æternam. Per Dominum &c.

*Communio.* Benedicite omnes Angeli Do-  
mini Dominum: hymnum dicite, & super-  
exaltate eum in sæcula.

*Postcommunio.*

**S**umpsimus Domine, divina mysteria,  
sanctorum Angelorum tuorum festivi-  
tate lætantes; quæsumus, ut eorum prote-  
ctione ab hostium jugiter liberemur insi-  
diis, & contra omnia adversa, tua semper  
protectione muniamur. Per Dominum.

IV. Septembris.

S. ROSÆ VIRGINIS.

*Missæ.* Dilexisti, ut in Communi, Pro Vir-  
gine tantum.

O R A T I O.

**D**eus, qui beatam Rosam sanctarum  
tuarum Virginum collegio aggrega-  
re dignatus es, tribue nobis: quæsumus,  
ut ejus precibus & meritis à culpis omni-  
bus expiæmur, & tuæ Majestatis consortio  
perfruamur æterno. Per Dominum.

VI. Septembris.

S. ROSALIÆ VIRGINIS.

*Missæ.* Vultum tuum. de Communi  
Virginum.

O R A T I O.

**E**xaudi nos Deus salutaris noster, ut si-  
cut de beatæ Rosaliæ Virginis tuæ fe-  
stivitate gaudemus, ita pæ devotionis eru-  
diamur affectu, & ejus intercessione ab ira-  
cundiæ tuæ flagellis misericorditer libere-  
mur. Per Dominum &c.

VII. Septembris.

S. ROCHI CONFESSORIS.

(fuit 16. Augusti.)

*Introitus.*

**L**ætabitur justus in Domino, & spera-  
bit in eo, & laudabuntur omnes recti  
corde. *Psalmus.* Exaudi Deus orationem  
meam cum deprecor: à timore inimici  
græpe animam meam. *Ps.* Gloria Patri;

O R A T I O.

**O**mnipotens & misericors Deus, qui  
meritis & precibus beatissimi Rochi  
Confessoris tui quamdam pestem homi-  
num generalem gratiosè revocasti: præsta  
supplicibus tuis, ut qui pro simili peste re-  
vocanda ad tuam refugiunt fiduciam, ipsi-  
us gloriosi Confessoris precamine, ab ipsa  
infirmirate, & ab omni perturbatione libe-  
rentur. Per Dominum nostrum, &c.

Lectio Libri Sapientiæ.

**J**ustus si morte præoccupatus fuerit, in  
refrigerio erit. Senectus enim venerabilis  
est, non diuturna, neque annorum nu-  
mero computata. Cani enim sunt sensus  
hominis, & ætas senectutis, vita immacu-  
lata. Placens Deo factus est dilectus: & vi-  
vens inter peccatores translatus est. Raptus  
est, ne malitia mutaret intellectum ejus:  
aut ne fictio deciperet animam illius. Con-  
summatus in brevi explevit tempora mul-  
ta. Placita enim erat Deo anima illius:  
propter hoc properavit educere illum de  
medio iniquitatum. Quoniam gratia Dei,  
& misericordia est in sanctos ejus, &  
respectus in electos illius.

*Graduale.* Justus ut palma florebit: sicut  
cedrus Libani multiplicabitur in domo  
Domini. *Ps.* Ad annuntiandum manè mi-  
sericordiam tuam: & veritatem tuam per  
noctem. *Ps.* O beate Confessor, Roche, o  
quàm magna apud Deum sunt merita tua,  
quibus credimus nos à morbo epidimie  
posse liberari, & aëris nobis temperiem  
concedi.

Sequentia sancti Evangelii secundum  
Matthæum.

**I**n illo tempore: Circuibat Dominus Je-  
sus civitates & castella, docens in syna-  
gogis eorum, & prædicans evangelium re-  
gni, & curans omnem langvorem, & o-  
mnem infirmitatem. Videns autem tur-  
bas, misertus est eis: quia erant vexati, &  
jacentes, sicut oves non habentes pastorem.  
Tunc dixit discipulis suis: Messis quidem  
multa, operarii verò pauci. Rogate ergo  
dominum messis, ut mittat operarios in  
messam



messiem suam. Euntes autem prædicate, dicentes: Quia appropinquavit regnum cælorum. Infirmos curate, mortuos suscite, leprosos mundate, dæmones ejicite: gratis accepistis, gratis date. Ecce ego mitto vos, sicut oves in medio luporum. Estote ergo prudentes sicut serpentes: & simplices sicut columbæ.

*Offertorium.* Rochum Christi Confessorem exoratum fecimus; & preces ad Patrem nostrum dirigimus, ut sua intercessionem à langvoribus epidimiæ ac peste salvemur, & aëris temperie potiamur.

*Secreta.*

**M**Unera, tibi quæsumus Domine, oblata sanctifica, & intercedente pro nobis beato Rocho Confessore tuo, per hæc omnes scelerum nostrorum maculas placatus absterge: sanitatemque corporis & animæ nobis tribue. Per Dominum.

*Communio.* Magna est gloriâ ejus in salutare tuo, gloriam & magnum decorem impones super eum Domine.

*Postcommunio.*

**S**umpsimus, Domine, tua sancta, beati Rochi merita recolentes: præsta quæsumus, ut ejus semper & fidei muniamur auxilio, & magnifico proficiamus exemplo. Per Dominum.

XVIII. Septembris.

FESTUM NOMINIS  
BEATISSIMÆ VIRGINIS  
MARIAE.

*Introitus.*

**V**ultum tuum deprecabuntur omnes divites plebis: adducentur Regi virgines post eam: proximæ ejus adducentur tibi in læticia & exultatione. *Psalmus.* Eructavit cor meum verbum bonum: dico ego opera mea Regi. *ŷ.* Gloria Patri.

*ORATIO.*

**D**eus, qui gloriosam matrem tuam nominari MARIAM voluisti, concede quæsumus: ut qui dulce MARIE nomen implorant, perpetuum sentiant tuæ benedictionis effectum. Qui vivis & regnas cum Deo Patre, in unitate &c.

Lectio libri Sapientiæ.

**E**Go quasi vitis fructificavi savoratemi odoris: & flores mei, fructus honoris, & honestatis. Ego mater pulchræ dilectionis, & timoris, & agnitionis, & sanctæ spei. In me omnis gratia, viæ, & veritatis: in me omnis spes vitæ, & virtutis. Transite ad me omnes qui concupiscitis me, & à generationibus meis adimplemini. Spiritus enim meus super mel dulcis, & hæreditas mea super mel & favum: memoria mea in generatione sæculorum. Qui edunt me, adhuc esurient: & qui bibunt me, adhuc sitient. Qui audiunt me, non confundentur: & qui operantur in me, non peccabunt. Qui elucidant me, vitam æternam habebunt.

*Graduale.* Benedicta, & venerabilis es Virgo Maria, quæ sine tactu pudoris inventa es mater Salvatoris. *ŷ.* Virgo Dei genitrix, quem totus non capit orbis; in tua se clausit viscera factus homo. Alleluia, alleluia. *ŷ.* Tu gloria Jerusalem, tu læticia Israël, tu honorificentia populi nostri. Alleluia.

Sequentia sancti Evangelii secundum Lucam.

**I**N illo tempore: Missus est Angelus Gabriel à Deo in civitatem Galilææ, cui nomen Nazareth, ad Virginem desponsatam viro, cui nomen erat Joseph, de domo David: & nomen Virginis Maria. Et ingressus Angelus ad eam, dixit: Ave gratia plena, Dominus tecum: benedicta tu in mulieribus. Quæ cum audisset, turbata est in sermone ejus, & cogitabat qualis esset ista salutatio. Et ait Angelus ei: Ne timeas Maria, invenisti enim gratiam apud Deum. Ecce concipies in utero, & paries filium, & vocabis nomen ejus Jesum. Hic erit magnus, & filius Altissimi vocabitur. Et dabit illi Dominus Deus sedem David patris ejus, & regnabit in domo Jacob in æternum, & regni ejus non erit finis. Dixit autem Maria ad Angelum: Quomodo fiet istud, quoniam virum non cognosco? Et respondens Angelus dixit ei: Spiritus sanctus superveniet in te, & virtus Altissimi obumbrabit tibi. Ideo.

D 2

bi. Ideo.



bi. Ideoq; & quod nascetur ex te sanctum, vocabitur filius Dei. Et ecce Elisabeth cognata tua, & ipsa concepit filium in senectute sua. Et hic mensis sextus est illi, quæ vocatur sterilis, quia non erit impossibile apud Deum omne verbum. Dixit autem Maria: Ecce ancilla Domini, fiat mihi secundum verbum tuum. Credo.

*Offertorium.* Ave Maria, gratia plena, Dominus tecum, benedicta tu in mulieribus, & benedictus fructus ventris tui.

*Secreta.*

**T**ua Domine, propitiatione, & beatæ Mariæ semper Virginis intercessione, ad perpetuam, atque præsentem hæc oblatio nobis proficiat prosperitatem & pacem. Per Dominum nostrum &c.

*Communio.* Beata viscera Mariæ Virginis, quæ portaverunt æterni Patris filium.

*Postcommunio.*

**S**umptis, Domine, salutis nostræ subsidiis: da, quæsumus, beatæ Mariæ semper Virginis patrocinis nos ubique protegi: in cujus veneratione hæc tuæ obtulimus majestati. Per Dominum nostrum.

XXII. Septembris.

**S. THOMÆ DE VILLA.**  
Episcopi & Confessoris.

*Missæ.* Statuit ei. *de Communi Confessoris Pontificis.*

*O R A T I O.*

**D**eus, qui beatum Thomam Pontificem insignis in pauperes misericordiæ virtute decorasti, quæsumus: ut ejus intercessione in omnes, qui te deprecantur, divitiis misericordiæ tuæ benignus effundas. Per Dominum nostrum &c.

XXIV. Septembris.

**S. GERARDI EPISCOPI**  
& Martyris.

*Missæ.* Statuit ei Dominus. *de Communi unius Martyris Pontificis.*

*O R A T I O.*

**D**eus, qui beatum Gerardum Pontificem, agone martyrii & stolâ immortalitatis coronasti: concede propitius; ut cujus memoriam devotis mentibus celebramus in terris, ejus perpetua defensione

muniamur in cælis. Per Dominum nostrum Jesum Christum &c.

*Evangelium.* Si quis vult venire post me. *ut in sequenti Missa de eodem Communi.*

*Secreta.*

**O**blata Domine munera sanctifica: & intercessione beati Gerardi Martyris tui atque Pontificis, ab omnibus nos defende periculis. Per Dominum nostrum.

*Postcommunio.*

**S**atiasti Domine familiam tuam, pretiosissimi Corporis & Sangvinis Filii tui libamine: præsta quæsumus; ut intercessione beati Gerardi Martyris tui atque Pontificis, nobis proficiat ad salutem mentis & corporis. Per eundem Dominum.

XXVIII. Septembris.

**S. ELZEARI CONFESSORIS.**

*Missæ.* Os justi. *de Communi Confessoris non Pontificis.*

*O R A T I O.*

**D**eus, qui beatum Elzearium Confessorem tuum, inter cætera virtutum insignia, virginali pudicitia in coniugio decorasti, concede propitius: ut cuius sacra solennia celebriter veneramur in terris, ejus beata consortia feliciter consequamur in cælis. Per Dominum nostrum.

*Evangelium.* Nolite timere pusillus grex. *ut in sequenti Missa de eodem Communi.*

Dominica I. Octobris.

**SOLEMNITAS SANCTI ROSARII**  
BEATÆ Mariæ Virginis.

*Introitus.*

**S**alve radix sancta: salve mundi gloria: ô Maria flos virginum, velut rosa vel lilium: tuum pro nobis deprecare Filium, Alleluia, alleluia. *Psalmus.* Gratia super gratiam; Mulier sancta, & pudorata. *7.* Gloria Patri, &c.

*O R A T I O.*

**S**olemnitatem Rosarii beatissimæ Virginis Mariæ, genitricis celebrantes: quæsumus omnipotens Deus, benigno favore prosequere; quatenus ita ipsius sacra Mysteria contemplemur in terris: ut post huius vitæ cursum, eorum fructus percipere mereamur in cælis. Qui vivis & regnas.

*Letitio*



Lectio libri Sapientiae.

**E**go flos campi, & liliū convallium. Sicut liliū inter spinas, sic amica mea inter filias. Favus distillans labia tua sponsa, mel & lac sub lingua tua: & odor vestimentorum tuorum sicut odor thuris. Hortus conclusus soror mea sponsa, hortus conclusus, fons signatus. Emissiones tuæ paradisus malorum puniceorum cum pomorum fructibus. Ego quasi vitis fructificavi suavitate odoris: & flores mei fructus honoris, & honestatis. Ego mater pulchræ dilectionis, & timoris, & agnitionis, & sanctæ spei. In me gratia omnis viæ & veritatis, in me omnis spes vitæ, & virtutis. Transite ad me omnes, qui concupiscitis me, & à generationibus meis implemini. Spiritus enim meus super mel dulcis, & hereditas mea super mel & favum.

*Graduale.* Dilectus meus mihi, & ego illi: qui pascitur inter lilia, donec aspiret dies, & inclinentur umbræ. *Ps.* Sicut dies verni circumdabant eam flores rosarum, & lilia convallium. Alleluia, alleluia. *Ps.* Virga Jesse floruit, Virgo Deum & hominem genuit, pacem Deus reddidit, in se reconcilians ima summis. Alleluia.

*Infra Septuagesimam, Tractus.* Gaude Maria Virgo, cunctas hæreses sola interemisti. *Ps.* Quæ Gabrielis Archangeli dictis credidisti. *Ps.* Dum Virgo Deum, & hominem genuisti: & post partum Virgo inviolata permansisti. *Ps.* Dei genitrix intercede pro nobis.

*Tempore Paschali.* *Ps.* Alleluia, allel. Virga Jesse floruit, Virgo Deum & hominem genuit, pacem Deus reddidit, in se reconcilians ima summis. Alleluia. *Ps.* Surrexit Dominus, & occurrens mulieribus, ait: Ave. Tunc accesserunt, & tenuerunt pedes eius. Alleluia.

Sequentia sancti Evangelii secundum Marcum.

**I**n illo tempore: Loquente Jesu ad turbas, veniunt mater ejus, & fratres: & foris stantes miserunt ad eum, vocantes eum.

Et sedebat circa eum turba, & dicunt ei: Ecce mater tua, & fratres tui foris quærunt te. Et respondens eis, ait: Quæ est mater mea, & fratres mei? Et circumspiciens eos, qui in circuitu ejus sedebant, ait: Ecce mater mea, & fratres mei. Qui enim fecerit voluntatem Dei, hic frater meus, & soror mea, & mater est. Credo.

*Offertorium.* Ave Regina cælorum, mater Regis Angelorum: ô Maria flos Virginum, velut rosa vel liliū: funde preces ad Filium, pro salute fidelium.

*Tempore Paschali additur, Alleluia, allel.*

*Secreta.*

**V**ivifica nos, quæsumus Domine, tui ipsius hostia salutari: & sanctissimæ Matris tuæ Rosarii solemnia recolentes, interiori Spiritus sancti invocatione sanctifica. Qui vivis, & regnas cum Deo Patre, in unitate ejusdem Spiritus &c.

*Prefatio.* Et te in solemnitate B. Mariæ.

*Communio.* O quàm speciosa facta es, & suavis in deliciis virginitatis, sancta Dei genitrix: quam videntes filiae Sion vernantem in floribus rosarum, & liliis convallium, beatissimam prædicaverunt, & reginæ laudaverunt eam.

*Tempore Paschali.* Alleluia, allel. allel.

*Postcommunio.*

**C**oncede quæsumus Domine, semper nos per hæc sancta Rosarii Genitricis tuæ mysteria gratulari, ut continuè eadem contemplantes, perpetuæ nobis fiant causa lætitiæ. Qui vivis, & regnas &c.

I. Octobris.

**S. REMIGII EPISCOPI & Confessoris.**

*Missæ.* Statuit ei Dominus. *de Communi Confessoris Pontificis.*

VI. Octobris.

**S. BRUNONIS CONFESSORIS.**

*Missæ.* Os justi. *de Communi Confessoris non Pontificis.*

**O R A T I O.**

**S**ancti Brunonis Confessoris tui, quæsumus Domine, intercessionibus adjuvemur: ut



mur: ut qui maiestatem tuam graviter delinquendo offendimus, ejus meritis & precibus nostrorum delictorum veniam consequamur. Per Dominum &c.

VIII. Octobris.

S. BIRGITTE VIDUÆ,

*Missæ. Cognovi, ut in Communi nec Virginum nec Martyrum,*

O R A T I O.

**D**omine Deus noster, qui beatæ Birgittæ per Filium tuum Unigenitum secreta cælestia revelasti: ipsius pia intercessionem da nobis famulis tuis, in revelatione sempiternæ gloriæ tuæ gaudere lætantes. Per eundem Dominum &c.

*Epistola. Viduas honora. de eodem Commu.*

XII. Octobris.

S. MAXIMILIANI EPISCOPI

& Martyris,

*Missæ. Sacerdotes Dei. de Communi unius Martyris.*

XIV. Octobris.

S. BURCHARDI EPISCOPI

& Confessoris.

*Missæ. Statuit ei. de Communi Confessoris Pontificis.*

XV. Octobris.

S. TERESIE VIRGINIS.

*Missæ. Dilexisti, de Communi Virginum.*

O R A T I O.

**E**xaudi nos Deus salutaris noster: ut sicut de beatæ Teresie Virginis tuæ festivitate gaudemus; ita cælestis ejus doctrinæ pabulo nutriamur, & piæ devotionis erudiamur affectu. Per Dominum.

XVI. Octobris.

S. EDVARDI CONFESSORIS.

*Missæ. Os justis, de Communi Confessoris non Pontificis.*

O R A T I O.

**D**eus, qui beatum Regem Edvardum Confessorem tuum, æternitatis gloriâ coronasti, fac nos, quæsumus, ita cum venerari in terris, ut cum eo regnare possimus in cælis. Per Dominum.

XVII. Octobris.

S. HEDVIGIS VIDUÆ,

Reginæ Poloniæ.

*Missæ. Cognovi Domine. de Communi non Virginum.*

XIX. Octobris.

S. PETRI DE ALCANTARA

Confessoris.

*Introitus.*

**M**ihi autem absit gloriari, nisi in Cruce Domini nostri Jesu Christi, per quem mihi mundus crucifixus est & ego mundo. *Psalmus.* Benedicam Dominum in omni tempore: semper laus ejus in ore meo. *γ.* Gloria Patri.

O R A T I O.

**D**eus, qui beatum Petrum Confessorem tuum admirabilis penitentiae, & altissimæ contemplationis munere illustrare dignatus es: concede propitius, ut ejus suffragantibus meritis, carne mortificati, cælestium donorum participes fieri mereamur. Per Dominum.

*Lectio Epistolæ beati Pauli Apostoli ad Philippenes.*

**F**rattes, quæ mihi fuerunt lucra, hæc arbitratus sum propter Christum detrimenta. Veruntamen existimo omnia detrimentum esse propter eminentem scientiam Jesu Christi Domini mei: propter quem omnia detrimentum feci, & arbitror ut stercora, ut Christum lucrifaciam, & inveniar in illo non habens meam justiciam, quæ ex lege est, sed illam quæ ex fide est Christi Jesu; quæ ex Deo est justitia in fide ad cognoscendum illum, & virtutem resurrectionis ejus, & iocietatem passionum illius, configuratus morti ejus. Si quomodo occurram ad resurrectionem, quæ est ex mortuis: non quod jam acceperim, aut jam perfectus sim; sequor autem, si quomodo comprehendam, in quo & comprehensus sum à Christo Jesu.

*Graduale.* Os justis meditabitur sapientiam, & lingua ejus loquetur judicium. *γ.* Lex Dei ejus in corde ipsius: & non supplantabuntur gressus ejus. Alleluia, alleluia. *γ.* Crucis cultor optime Sancte Petre, norma veræ sanctitatis impetra nobis tuis precibus fructus dignos penitentiae, ut tecum simus æternæ gloriæ consortes. Alleluia.

*Post Septuagesimam, Tractus.* Beatus vir, qui timet Dominum; in mandatis ejus cupit ut



pit nimis. *ψ.* Potens in terra erit semen ejus: generatio rectorum benedicetur. *ψ.* Gloria & divitiæ in domo ejus: & justitia ejus manet in sæculum sæculi.

*Tempore Paschali.* Alleluia, alleluja. *ψ.* Christo confixus sum cruci: vivo ego, jam non ego: vivit verò in me Christus. Allelu. *ψ.* Crucis cultor optime Sancte Petre, norma veræ sanctitatis, impetra nobis tuis precibus fructus dignos pœnitentiæ, ut tecum simus æternæ gloriæ consortes. Alleluia.

Sequentia sancti Evangelij secundum Lucam.

**I**N illo tempore; Dixit Jesus discipulis suis: Nolite timere pusillus grex, quia complacuit Patri vestro dare vobis regnum. Vendite quæ possidetis, & date eleemosynam. Facite vobis sacculos. Qui non veterascunt, thesaurum non deficientem in cœlis: quo fur non appropriat, neque timea corrumpit. Ubi enim thesaurus vester est, ibi & cor vestrum erit. Credo, &c.

*Et dicitur per totam Octavam, & in Festis infra eam occurrentibus.*

*Offertorium.* In virtute tua Domine lætabitur justus, & super salutare tuum exultabit vehementer: desiderium animæ ejus tribuisti ei.

*Secreta.*

**O**blationem nostram quæsumus Domine, sancti Petri meritis placatus assume; quam dum in carne viveret, purissimis manibus contrectavit, & obtulit. Per Dominum, &c.

*Communio.* Amen dico vobis, quod vos qui reliquistis omnia, & secuti estis me: centuplum accipietis, & vitam æternam possidebitis.

*Postcommunio.*

**P**ræsta quæsumus omnipotens Deus, ut Beati Petri confessoris tui semper facta sectantes, fructum quem de cœlesti hoc alimento percepit; ipsi quoque percipere mereamur. Per Dominum nostrum &c.

XXI. Octobris.

SS. URSULÆ ET SOCIARUM  
Virginum & Martyrum.

*Introitus.*

**G**Audeamus omnes in Domino, diem festum celebrantes, sub honore sanctarum Virginum & martyrum: de quarum passione gaudent Angeli, & collaudant Filium DEI. *Psalms. 82.* Exultate justi in Domino: rectos decet collaudatio. *ψ.* Gloria Patri.

*O R A T I O.*

**O**mnipotens sempiterne DEUS, qui infirma mundi eligis, ut fortia quæque confundas: da nobis quæsumus, beatæ Ursulæ ac sociarum ejus festivitate gaudere; ut potentiam tuam in earum passione laudare, & concessum nobis percipere mereamur auxilium; Per Dominum.

*Et fit commemoratio de S. Hilarione Abbate, Epistola. De Virginibus præceptum, ut in eodem Communi.*

*Graduale.* Dilexisti justitiam, & odisti iniquitatem. *ψ.* Propterea unxit te Deus, Deus tuus, oleo lætitiæ. Alleluja, allelu.

*ψ.* Adducentur Regi virgines post eam; proximæ ejus afferentur tibi in læticia. Alleluja.

*Evangelium.* Simile est regnum cælorum decem Virginibus. *ut in eodem Communi.*

*Offertorium.* Afferentur Regi Virgines post eam: proximæ ejus afferentur tibi, in læticia & exultatione: adducentur in templum Regi Domino.

*Secreta.*

**C**oncede quæsumus omnipotens DEUS, ut hujus sacrificij munus oblatum, fragilitatem nostram ab omni malo purget & muniat: ut sanctarum Virginum Ursulæ & sociarum ejus meritis & precibus, ab omnibus malis eruamur: Per Dominum nostrum.

*Communio.* Confundantur superbi, quia injuste iniquitatem fecerunt in me: ego autem in mandatis tuis exercebor, in tuis justificationibus, ut non confundar.

*Postcommunio.*

**M**unera tua nos Deus, supplicatione sanctarum Virginum & martyrum, Ursulæ ac sociarum ejus, à delectationibus terrenis expediant, & cœlestibus nos semper in-

E 2

per in-



per instaurent alimentis: Per Dominum  
nostrum JESUM CHRISTUM &c.

XXIII. Octobris.  
S. JOANNIS CAPISTRANI  
Confessoris.

*Missæ, Qs justi. ut in Communi Confessoris  
non Pontificis.*

O R A T I O.

**D**Eus qui beatum Joannem Confesso-  
rem tuum innumeris decorasti mira-  
culis, & per invocationem tui sancti No-  
minis, fecisti de sævissima Turcarum gen-  
te triumphare: præsta quæsumus, ut ejus  
meritis & precibus ab omnibus semper pro-  
tegatur adversis. Qui vivis & regnas.

XXIX. Octobris.  
S. DEMETRII MARTYRIS.  
*Missæ. In virtute tua. de Communi unius  
Martyris.*

O R A T I O.

**D**Eus, qui beatum Demetrium Marty-  
rem tuum, virtutum signis clarificas:  
ejus nos quæsumus interventu, à cunctis  
reatibus, & à malis quæ pro eis meremur,  
absolve propitius: Per Dominum &c.

*Secreta.*

**M**unera nostra Domine, meritis bea-  
ti Demetrii martyris, tibi quæsu-  
mus reddantur accepta: & nosmetipsi  
gratum tibi efficiamur sacrificium: Per  
Dominum nostrum.

*Postcommunio.*

**P**urificet nos, quæsumus Domine,  
coelestis mensæ libatio: & interce-  
dente beato Demetrio martyre tuo, ad  
vitam nobis proficiat sempiternam: Per  
Dominum nostrum.

XXX. Octobris.  
S. COLOMANNI MARTYRIS.  
*Missæ. In virtute tua. de Communi unius  
Martyris.*

XXXI. Octobris.  
S. VOLF GANGI EPISCOPI  
& Confessoris.

*Missæ. Sacerdotes tui. de Communi Confesso-  
ris Pontificis.*

O R A T I O.

**D**Eus, qui nobis æternæ salutis beatum  
Volfgangum, ministrum tribuisti,

præsta quæsumus: ut quem Doctorem vi-  
ta habuimus in terris, intercessorem habe-  
re mereamur in cœlis: Per Dominum &c.

IV. November.  
S. CAROLI EPISCOPI  
& Confessoris.

*Missæ. Statuit ei Dominus. de Communi  
Confessoris Pontificis.*

O R A T I O.

**E**cclēsiā tuā, Domine, sancti Ca-  
roli Confessoris tui atque Pontificis  
continua protectione custodi: ut sicut il-  
lum Pastoralis sollicitudo gloriosum reddi-  
dit, ita nos ejus intercessio in tuo semper  
faciat amore ferventes. Per Dominum  
nostrum JESUM Christum.

*Et sit commemoratio Omnium Sanctorum, &  
SS. Vitalis & Agricolæ Martyrum.*

V. Novembris.  
S. EMERICI DUCIS HUNGARIÆ.  
*Introitus.*

**O**s justi meditabitur sapientiam, &  
lingva ejus loquetur judicium: lex  
DEI ejus in corde ipsius. *Psalmus.* No-  
li æmulari in malignantibus, neque zelave-  
ris facientes iniquitatem. *ꝑ. Gloria. &c.*

O R A T I O.

**D**Eus, qui beatum Emericum juvenili  
flore nitentem, in sanctorum tuo-  
rum consortium sublimasti: præsta quæsu-  
mus; ut quem tibi fecisti esse devotum,  
ejus apud te perpetuum sentiamus auxili-  
um: Per Dominum nostrum.

*Lectio Libri Sapientiæ.*

**J**ustus si morte præoccupatus fuerit, in  
refrigerio erit. Senectus enim venera-  
bilis est, non diuturna, neque annorum  
numero computata. Cui autem sunt  
sensus hominis, & ætas senectutis vita im-  
maculata. Placens DEO factus est dile-  
ctus, & vivens inter peccatores translatus  
est. Raptus est, ne malitia mutaret intel-  
lectum eius, aut ne fictio deciperet ani-  
mam illius. Fascinatio enim nugacitatis  
obscurat bona, & inconstantia concupis-  
centiæ transvertit sensum sine malitia.  
Consumatus in brevi, explevit tempora  
multa: placita enim erat DEO anima illi-  
us: pro-



us: propter hoc properavit educere illum de medio iniquitatum. Populi autem videntes, & non intelligentes, nec ponentes in præcordiis talia: quoniam gratia Dei, & misericordia est in sanctos ejus, & respectus in electos illius. Condemnat autem justus mortuus, vivos impios; & juvenis celerius consummata, longam vitam iniusti. Videbunt enim finem sapientis, & non intelligent quid cogitaverit de illo Deus, & quare munierit illum Dominus.

*Graduale.* Justus ut palma florebit, sicut cedrus Libani multiplicabitur in domo Domini. *Ps.* Ad annuntiandum manè misericordiam tuam, & veritatem tuam per noctem. Alleluia, alleluia. *Ps.* Beatus vir, qui suffert tentationem: quoniam cum probatus fuerit, accipiet coronam vitæ. Allel.

*Evangelium.* Sint lumbi vestri præcincti. *de Communi Confessoris non Pontificis.*

*Offertorium.* Veritas mea, *de eadem Communi.*  
*Secreta.*

**O**blatio, quam tibi offerimus, Domine, nos purget ab omni crimine: quatenus per intercessionem sancti Emerici Confessoris tui, cujus sacram recolimus festivitatem, ad cælestis patriæ assumamur hereditatem. Per Dominum &c.

*Communio.* Beatus servus, *de Communi Confessoris non Pontificis.*

*Postcommunio.*

**P**lebem tuam, Domine, à cunctis adversitatibus protege: ut beato Emerico confessore tuo intercedente, & præsentis vitæ devitemus pericula, & futura mereamur gaudia sempiterna: Per Dominum nostrum.

XV. Novembris.

S. LEOPOLDI CONFESSORIS.

*Missæ.* Statuit ei. *de Communi Confessoris Pontificis.*

O R A T I O.

**D**eus qui sanctum Leopoldum ex principatu & curis sæculi hujus, immaculatum ad regnum cæleste traduxisti, concede propitius: tua clementia ita nos per hæc temporalia dirigi, ut æternæ vitæ consortes effici mereamur. Per Dominum.

XVI. Novembris.

S. JOSAPHAT EPISCOPI  
& Martyris.

*Missæ.* Sacerdotes Dei. *de Communi  
nini Martyris.*

O R A T I O.

**O**mnipotens sempiterne Deus, qui beatum Josaphat palma martyrij condecorando, Ecclesiæ Catholicæ novum apud te intercessorem providisti, quæsumus: ut ejus meritis & auxilio à malis omnibus liberati, tuo nomini studiosius serviamus. Per Dominum nostrum.

XVII. Novembris.

BEATÆ SALOMÆ VIRGINIS.

*Missæ.* Dilexisti. *ut in Communi, Pro Virgine tantum.*

XIX. Novembris.

S. ELIZABET VIDUÆ  
Reginæ Hungariæ.

*Introitum.*

**G**audeamus omnes in Domino, diem festum celebrantes, sub honore beatæ Elisabeth: de cujus solemnitate gaudent Angeli, & collaudant Filium Dei.

*Psalmus.* Eructavit cor meum verbum bonum: dico ego opera mea Regi. *Ps.* Gloria Patri.

O R A T I O.

**T**uorum corda fidelium, Deus mistrator illustra: & beatæ Elisabeth precibus gloriosis, fac nos prospera mundi despiciere, & cælesti semper consolatione gaudere: Per Dominum nostrum.

*Et sit Commemoratio de sancto Pontiano Papa & Martyr. Epistola, ex libro Sapientia; Mulierem fortem quis inveniet? &c. Cum reliquis de Communi nec Virginum nec martyrum: ut habetur in Missæ. Cognovi.*

*Secreta.*

**A**ccepta tibi sit, Domine, sacratæ plebis oblatio, pro tuorum honore Sanctorum: quorum se meritis de tribulatione percepisse cognoscit auxilium: Per Dominum nostrum.

*Communio.* Dilexisti justitiam, & odisti iniquitatem: propterea unxit te Deus, Deus tuus, oleo lætitiæ præ consortibus tuis.

F

Post



*Postcommunio.*

**S**atiasti Domine familiam tuam mun-  
eribus sacris : ejus quæsumus semper in-  
terventione nos refove , cujus solemnia  
celebramus : Per Dominum nostrum JE-  
sum Christum Filium tuum , qui tecum  
vivit & regnat &c.

XXVI. Novembris.  
**FESTUM OMNIUM SANCTORUM**  
Odinis Minorum,  
*Introitus.*

**G**Audeamus omnes in Domino , diem  
festum celebrantes sub honore San-  
ctorum omnium Ordinis Minorum : de  
quorum solemnitate gaudent Angeli , &  
collaudant Filium DEI. *Psalmus.* Exulta-  
te justi in Domino : rectos decet Collau-  
datio. *†. Gloria Patri &c.*

**O R A T I O.**

**O**Mnipotens sempiterne DEus , qui  
Ecclesiam tuam varijs Sanctorum  
splendoribus semper illustras , protegis ,  
atque conservas : concede propitius , ut  
Beati Francisci , & Sanctorum Filiorum  
ejus , quorum omnium merita nos sub  
una tribuisti celebritate venerari , precibus ;  
& hic ab omnibus mundemur offensis , &  
in futuro , gloriam perfruamur æterna. Per  
Dominum nostrum , &c.

**Lectio Libri Apocalypsis**

*B. Joannis Apostoli.*

**I**N diebus illis. Ecce ego Joannes vidi  
lakerum Angelum ascendentem ab ortu  
solis , habentem signum DEI vivi. Et cla-  
mavit voce magna quatuor Angelis , qui-  
bus datum est nocere terræ & mari , di-  
cens : Nolite nocere terræ & mari , neque  
arboribus : quoadusque signemus servos  
DEI nostri in frontibus eorum. Et audi-  
vi numerum signatorum , centum qua-  
draginta quatuor millia signati ex omni  
tribu filiorum Israël. Ex tribu Juda , duo-  
decim millia signati. Ex tribu Ruben ,  
duodecim millia signati. Ex tribu Gad ,  
duodecim millia signati. Ex tribu Aser ,

duodecim millia signati. Ex tribu Neph-  
thali , duodecim millia signati. Ex tribu  
Manasse , duodecim millia signati. Ex  
tribu Simeon , duodecim millia signati.  
Ex tribu Levi , duodecim millia signati.  
Ex tribu Isachar , duodecim millia signati.  
Ex tribu Zabulon , duodecim millia signa-  
ti. Ex tribu Joseph , duodecim millia si-  
gnati. Ex tribu Benjamin , duodecim  
millia signati. Post hæc vidi turbam ma-  
gnam , quam dinumerare nemo poterat  
ex omnibus gentibus , & tribubus , & po-  
pulis , & lingvis , stantes ante thronum , &  
in conspectu Agni , amicti stolis albis , &  
palmæ in manibus eorum : & clamabant  
voce magnâ : dicentes : Salus Deo no-  
stro , qui sedet super thronum , & Agno.  
Et omnes Angeli stabant in circuitu thro-  
ni , & Seniorum , & quatuor animalium :  
& ceciderunt in conspectu throni in  
facies suas , & adoraverunt Deum , dicen-  
tes , Amen. Benedictio , & claritas , &  
sapientia , & gratiarum actio , honor , &  
virtus , & fortitudo Deo nostro , in sæcu-  
la sæculorum , Amen.

*Graduale.* Time Deum omnes  
Sancti ejus : quoniam nihil deest timentibus  
eum. *†. Inquirentes autem Domi-  
num , non deficient omni bono. Alleluja ,  
alleluja. †. Venite ad me omnes , qui  
laboratis & onerati estis : & ego reficiam  
vos. Alleluja ,*

**Sequentia Sancti Evangelij**

*Secundum Lucam.*

**I**N illo tempore : Dixit Jesus discipulis  
suis. Nolite timere pusillus grex : quia  
complacuit patri vestro dare vobis re-  
gnum. Vendite quæ possidetis , & date  
elemosynam. Facite vobis sacculos , qui  
non veterascunt , thesaurum non deficientem  
in cælis : quod fur non appropriat , ne-  
que tinea corrumpit. Ubi enim thesau-  
rus vester est , ibi & cor vestrum erit. *Credo.*

*Offertorium.* Exultabunt Sancti in glo-  
ria , lætabuntur in cubilibus suis ; exalta-  
tiones Dei in faucibus eorum.

*Secrora.*



*Secreta.*

**M**unera tibi Domine, nostræ devotionis offerimus: quæ & pro cunctorum tibi grata sint honore iustorum, & nobis salutaria, te miserante, reddantur. Per Dominum, &c.

*Communio.* Lætamini in Domino, & exultate iusti, & gloriamini omnes recti corde.

*Postcommunio.*

**D**A quæsumus Domine, fidelibus populis, omnium Sanctorum Ordinis Minorum semper veneratione lætari: & eorum perpetua supplicatione muniri. Per Dominum nostrum. &c.

XXVII. Novembris.

S. VENCESLAI MARTYRIS.

*Missæ.* In virtute tua. *de Communi unius Martyris.*

O R A T I O. -

**D**Eus, qui beatum Wenceslaum per martyrij palmam à terreno Principatu ad cælestem gloriam transtulisti: ejus precibus nos ab omni adversitate custodi, & ejusdem tribue gaudere consortio. Per Dominum nostrum Jesum Christum.

*Evangelium.* Si quis vult post-me venire. *de eodem Communi.*

XXVIII. Novembris.

S. JACOBI DE MARCHIA.

*Missæ.* Justus ut palma. *de Communi Confessoris non Pontificis. Dicitur Credo.*

XXIX. Novembris.

FELICIS DE VALOIS

Confessoris.

*Missæ.* Justus ut palma. *de Communi Confessoris non Pontificis.*

O R A T I O.

**D**Eus qui beatum Felicem Confessorem tuum ex eremo ad munus redimendi captivos cælitus vocare dignatus es: præsta quæsumus, ut per gratiam tuam ex peccatorum nostrorum captivitate, ejus intercessione liberati, ad cælestem patriam perducamur. Per Dominum &c.

F 2

II. Decembris.

S. BIBIANÆ VIRGINIS  
& Martyris.

*Missæ.* Me expectaverunt. *de Communi Virginum.*

O R A T I O.

**D**Eus omnium largitor bonorum, qui in famula tua Bibiana cum virginitatis flore martyrij palmam cōjunxisti: mentes nostras ejus intercessione tibi charitate conjunge, ut amotis periculis, præmia consequamur æterna. Per Dominum &c.

III. Decembris.

S. FRANCISCI XAVERII  
Confessoris.

*Introitus.*

**L**Oquebar de testimoniis tuis in conspectu Regum, & non confundebar: & meditabar in mandatis tuis, quæ dilexi nimis. *Psalmus.* Laudate Dominum omnes Gentes: laudate eum omnes Populi. Quoniam confirmata est super nos misericordia ejus, & veritas Domini manet in æternum. *ꝫ.* Gloria Patri.

O R A T I O.

**D**Eus, qui Indiarum Gentes beati Francisci prædicatione, & miraculis Ecclesiæ tuæ aggregare voluisti; concede propitius, ut cujus gloriosa merita veneramur virtutum quoque imitemur exempla. Per Dominum nostrum, &c.

Lectio Epistolæ beati Pauli Apostoli  
ad Romanos.

**F**Ratres, corde enim creditur ad Justitiam: ore autem confessio fit ad salutem. Dicit enim scriptura: Omnis qui credit in illum, non confundetur. Non enim est distinctio Judæi, & Græci: Nam idem Dominus omnium, dives in omnes, qui invocant illum. Omnis enim, quicumque invocaverit nomen Domini, salvus erit. Quomodo ergo invocabunt, in quem non crediderunt? Aut quomodo credent ei, quem non audierunt? Quomodo autem audient sine prædicante? Quomodo verò prædicabunt, nisi mittantur? sicut scriptum est? Quam speciosi pedes



pedes Evangelizantium pacem, Evangelizantium bona; sed non omnes obediunt Evangelio. Isaias enim dicit: Domine, quis credidit auditui nostro? ergo fides ex auditu, auditus autem per verbum Christi. Sed dico nunquid non audierunt? & quidem in omnem terram exivit sonus eorum, & in fines orbis terræ verba eorum.

*Graduale.* Justus ut palma florebit: sic cedrus Libani multiplicabitur in domo Domini. *Ps.* Ad annuntiandum mane misericordiam tuam, & veritatem tuam per noctem. Alleluja, alleluja. *Ps.* Beatus vir, qui suffert tentationem: quoniam cum probatus fuerit, accipiet coronam vitæ. Alleluja.

*Tractus.* Beatus vir, qui timet Dominum, in mandatis ejus cupit nimis. *Ps.* Potens in terra erit semen ejus: generatio rectorum benedicetur. *Ps.* Gloria & divitiæ in domo ejus: & justitia ejus manet in sæculum sæculi.

*Tempore Paschali.*

*Ps.* Beatus vir: qui suffert tentationem quoniam cum probatus fuerit, accipiet coronam vitæ. Alleluja. *Ps.* Amavit eum, Dominus, & ornavit eum, stolam gloriæ induit eum. Alleluja.

*Sequentia Sancti Evangelii  
secundum Marcum.*

**I**n illo tempore: Dixit Jesus discipulis suis: Euntes in mundum universum, prædicate Evangelium omni creaturæ. Qui crediderit, & baptizatus fuerit, salvus erit: qui verò non crediderit, condemnabitur. Signa autem eos, qui crediderint, hæc sequentur. In nomine meo demonia ejicient, lingvis loquentur novis, serpentes

tollent: & si mortiferum quid biberint non eis nocebit: super ægros manus imponent, & benè habebunt.

*Offertorium.* Veritas mea, & misericordia mea cum ipso: & in nomine meo exaltabitur cornu ejus.

*Secreta.*

**P**resta nobis, quæsumus omnipotens Deus: ut nostræ humilitatis oblatio, & pro tuorum tibi grata sit honore sanctorum: & nos corpore pariter & mente purificet. Per Dominum nostrum, &c.

*Communio.* Beatus servus, quem cum venerit Dominus, invenerit vigilantem: amen dico vobis, super omnia bona sua constituet eum.

*Postcommunio.*

**Q**uæsumus, omnipotens Deus, ut qui cælestia alimenta percepimus: intercedente beato Francisco Confessore tuo, per hæc contra omnia adversa muniamur. Per Dominum nostrum &c.

*IV. Decembris.*

**S. BARBARÆ VIRGINIS**

*Missi. Loquebar. de Communi Virginis &*


*Martyris, præter ea quæ hic habentur,*

*Secreta.*

**S**anctæ Virginis & martyris tuæ Barbaræ, quæsumus Domine pio inventu, hæc tibi grata reddatur oblatio: pariterque nos, & à peccatis omnibus expiet, & ad cælestia dona capienda jugiter perducatur. Per Dominum nostrum.

*Postcommunio.*

**C**orporis sacri, & pretiosi sanguinis repleti libamine, quæsumus Domine ut sanctæ Virginis & martyris tuæ Barbaræ intercedentibus meritis, ab omnibus nos tuearis adversis: Per Dominum nostrum Jesum Christum.



MISSÆ



# MISSÆ VOTIVÆ.

## MISSA AD HONOREM

GLORIOSÆ VIRGINIS.

Pro Mulieribus prægnantibus, aut aliàs  
in partu laborantibus.

*Introitum.*

**A**lma Virgo virginum, sancta Dei genitrix, pro devotis porrigere ancillis tuis preces obnixas ad Filium, quæ parturientium benigna es auxiliatrix. *Psalmus.* Juravit Dominus David veritatem, & non frustrabitur eum: de fructu ventris tui ponam super sedem tuam. *Ps.* Gloria Patri, & Filio.

*O R A T I O.*

**O**mnipotens sempiterne DEus, qui humanum genus seminando multiplicas, quique ancillæ tuæ uterum dignanter fecundasti: da ei cum salutē animæ & corporis in pariendo virtutem, & ad sacrum baptismata tumescentis uteri fructum pervenire. Per Dominum.

*Lectio libri Genesis.*

**I**n diebus illis: Dixit Dominus ad Adam, Numquid ex ligno de quo tibi præceperam ne comederes, comedisti? Dixitque Adam. Mulier, quam dedisti mihi sociam, dedit mihi de ligno, & comedi. Et dixit Dominus DEus ad mulierem. Quare hoc fecisti? Quæ respondit: Serpens decēpit me, & comedi. Et Dominus ad serpentem. Quia fecisti hoc, maledictus es inter omnia animantia, & bestias terræ. Super pectus tuum gradiēris, & terram comedes cunctis diēbus vitæ tuæ. Inimicitias ponam inter te & mulierem, & semen tuum, & semen illius. Ipsa conteret caput tuum, & tu insidiaberis calcaneo ejus. Mulieri quoque dixit. Multiplicabo zrumnas tuas, & conceptus tuos. In dolore paries filios: & sub viri potestate eris, & ipse dominabitur tui. Adā verò dixit. Quia audisti vocem uxoris tuæ: maledicta terra in opere tuo. In labori-

bus comedes ex ea cunctis diēbus vitæ tuæ. Spinæ & tribulos germinabit tibi, & comedes herbas terræ. In sudore vultus tui vescēris pane tuo, donec revertāris in terram, de qua sumptus es. Quia pulvis es, & in pulverem revertēris.

*Graduale.* Ecce virgo concipiet absque dolore: peperit nobis filium. *Ps.* Qui sicut pluvia in vellus; ita in uterum virginis descendit, & velut porta clausa ex utero virginali ad nos introiit. Alleluja, alleluja. *Ps.* Ad tuum, o Maria, confugiunt præsidium pauperes in partu laborantes: quas suis quælo non despicias in necessitatibus, sed à periculis eas cunctis libera virgo semper benedicta. Alleluja.

*Sequentia sancti Evangelij  
secundum Joannem.*

**I**n illo tempore: Dixit Jesus discipulis suis. Mulier cum parit, tristitiam habet, quia venit hora ejus. Cum autem peperit puerum: iam non meminit præfursæ propter gaudium, quia natus est homo in mundum. Amen, amen dico vobis: si quid petieritis Patrem in nomine meo, dabit vobis. Petite & accipiētis: ut gaudium vestrum sit plenum.

*Offertorium.* Ave Maria parturientium consolatrix, gratia plena, infantium sublevatrix, quia Dominus est tecum: ipsorum esto protectrix, ut præ mulieribus benedicta dicaris, & super omnes benedictas à cunctis Christicolis extollatur fructus ventris tui.

*Secreta.*

**P**aternæ majestati tuæ munus oblātum acceptabile tibi fiat: cujus gratia ancillæ tuæ N. tolerantiam benignè conferas: & germen incolume sacro baptismatis fonte renasci. Per Dominum &c.

*Communio.* In partu puerorum o Maria, Sol tuus resplendeat misericordiz: quoque lucente cetera post Deum luminaria sunt quasi non sint.

G

*Postcom.*



*Postcommunio.*

**D**ivini germinis munere satiati, te supplices exoramus, clementissime Pater, ut huius percepti virginis fructus dono; benedictionem ancillæ tuæ N. misericorditer infundas: & quem spiritu vitali animasti, partum in novitate gratiæ tuæ reformare digneris. Per eundem.

**M I S S A**  
**C O M P A S S I O N I S**  
**S E U L A M E N T A T I O N I S**  
**B E A T E V I R G I N I S**  
**M A R I Æ.**

*Introitus.*

**V**ide Domine, quoniam tribulor, conturbatus est venter meus, submersum est cor meum in memetipsa: quoniam amaritudine plena sum. *Psalmus.* Posuit me Dominus desolatam: tota die mœrore confectam. *℣. Gloria Patri.*

*ORATIO.*

**P**letatem tuam quæsumus Domine Jesu Clementissime, qui pro nobis peccatoribus mortem subiens temporalem: nec proprio corpori, nec materno dolori parcere voluisti: præsta, ut nos passionis tuæ memoriam, ejusdemque matris tuæ mœsticiam recolentes, vobiscum felicitatis æternæ simus participes. Qui vivis.

*Lectio Jeremie Prophete.*

**I**N diebus illis: Dixit Jeremias Propheta: Cui comparabo, vel cui assimilabo te Virgo filia Jerusalem? Cui adæquabo te & consolabor te, Virgo filia Sion? Magna est enim velut mare, contritio tua. Quis medebitur tui? Plauserunt super te manibus omnes transeuntes per viam: sibilaverunt & moverunt capita sua super filiam Jerusalem. Aperuerunt super te os suum omnes inimici tui: sibilaverunt & frenduerunt dentibus suis, & dixerunt; En ista est dies, quem expectabamus? Fecit Dominus quæ cogitavit; complevit sermonem suum quem præceperat à diebus antiquis. Destruxit & non pepercit: & lætificavit super te inimi-

cum: & exaltavit cornu hostium tuorum. Deduc quasi torrentem lacrymas per diem & noctem, non des requiem tibi: neque taceat pupilla oculi tui. Consurge & lauda in nocte in principio vigiliarum. Effunde sicut aquam cor tuum in conspectu Domini.

*Graduale.* Omnes inimici mei audierunt malum meum: lætati sunt quoniam tu fecisti: quia ingemisco ego, & non est qui consoletur me. *℣.* Multi enim gemitus mei, & cor meum mœrens: quia Dominus me posuit amaram. Alleluia, allel. *℣.* Ecce positus est hic in ruinam, & in resurrectionem multorum in Israël: & in signum cui contradicetur: & tuam ipsius animam pertransibit gladius. Alleluia.

*Tractus.* Usquequo Domine oblivisceris me in finem, usquequo avertis faciem tuam à me. *℣.* Quamdiu ponam consilia in anima mea: dolorem in corde meo per diem. *℣.* Usquequo exaltabitur inimicus meus super me: respice & exaudi me Domine Deus meus. *℣.* Quoniam tu Domine syavis & mitis, & multæ misericordiæ, omnibus invocantibus te. *℣.* Intende animæ meæ, & libera eam: propter inimicos meos eripe me. *℣.* Et ne avertas faciem tuam à puero tuo, quoniam tribulor, velociter exaudi me. *℣.* Respice in me, & miserere mei: da imperium puero tuo, & saluum fac filium ancillæ tuæ.

*Tempore Paschali.* Alleluia, alleluia. *℣.* Omnes inimici ejus apprehenderunt eam inter angustias: unde desolata est vehementer, non habens consolatorem. Alleluia. *℣.* Posuit me Dominus desolatam, tota die mœrore confectam. Alleluia.

*Sequentia Sancti Evangelij  
secundum Lucam.*

**I**N illo tempore: Erant pater & mater Jesu mirantes super his, quæ dicebantur de illo. Et benedixit illis Simeon: & dixit ad Mariam matrem ejus: Ecce positus est hic in ruinam, & in resurrectionem multorum in Israël: & in signum, cui contradicetur;



dicetur: & tuam ipsius animam pertransibit gladius. Ut revelentur ex multis cordibus cogitationes.

*Offertorium.* Christum cruce mortuum nostros ob defectus: mœstè mater aspicit pios per affectus: & clamavit, lacerans capillos, & pectus: heu me! jacet filius meus hic despectus: nuper inter millia qui fuit electus: sicut myrrhæ fasciculus, meus sic dilectus.

*Secreta.*

**H**ostias quasumus, omnipotens Redemptor, in memoriam acerbissimæ passionis tuæ, lacrymosque doloris, quem pia Virgo mœstissima mater pro tua morte sustinuit, tibi sacrandas propitius intueri, & præsta: ut per eas pietatis & compassionis lachrymas, tibi vivo & vero Deo, cum eadem sanctissima matre tua valeamus offerre. Qui vivis, & regnas &c.

*Præfatio.* Qui salutem humani generis. *ut in Dominica Passionis.*

*Communio.* De cruce depositum videns corpus Christi: mœsta mater lacrymans, atque vultu tristi; dixit: ô dulcissime fili, quid fecisti: quod has poenas asperas, & mortem subisti?

*Postcommunio.*

**R**edemptor noster, atque Salvator, æterne Deus: fragilem facturam tuam nos pietatis oculo respicere digneris, & præsta: ut qui pretiosi corporis & sanguinis tui sacrosancta mysteria, pro totius populi salute oblata percepimus: per hæc ad compassionis lacrymas, tuæque mœstissimæ matris devotionem facilius attendamus. Qui vivis, & regnas &c.

## M I S S A

### DE SANCTO SEBASTIANO,

*Tempore pæsu.*

*Intritus.*

**E**gregie Christi martyr Sebastiane, princeps & propagator sanctissimorum præceptorum, ecce nomen tuum in libro vitæ coelestis adscriptum est, & memoria

le tuum non derelinquetur in sæcula,

*Psalmus.* Benedicam Dominum in omni tempore, semper laus ejus in ore meo. *†. Gloria Patri.*

O R A T I O.

**O**mnipotens sempiterne Deus qui meritis beati Sebastiani martyris tui gloriosissimi, quamdam generalem pestem epidimiæ hominibus mortiferam revocasti: præsta supplicibus tuis; ut qui pro simili peste revocanda, ad ipsum sub tua confidentia confugerint, ipsius meritis & precibus ab ipsa peste epidimiæ, & ab omni tribulatione liberentur. Per Dominum nostrum.

*Epistola.* Charissimi. Omne gaudium exultimate. *de Communi unius Martyris.*

*Graduale.* O Sancte Sebastiane, ortus magna prosapia. Tu fidei Christianæ adhæsisisti mente pia. Semper spernens sculptilia, ora pro nobis Dominum, ut scandamus cælestia post hujus vitæ terminum. *†.* Tu à peste mortifera liberas Longobardiam: Hæc regio tam misera poscit misericordiam. Cerne tuam familiam, quæ orat flexis genibus: serva à peste patriam istam, & malis omnibus. Alleluja, alleluja. *†.* Audi famulos rogantes, ô martyr Sebastiane. Serva corpus, sana mentes hujus plebis Christianæ: ne incurramus immane barathrum confusionis. Dona vespere & manè, gemitum compunctionis.

*Tempore Paschali Alleluja.*

*†.* O quam gloriosum est templum, beate Sebastiane, in quo divina est promissio, & peccatorum remissio, spendor & lux perpetua, & sine fine lætitia! Alleluja.

*Evangelium.* Nisi granum frumenti. *de Communi unius Martyris.*

*Offertorium.* Martyr egregie, decus militiæ, athleta fidei, ora natum Dei; ut avertat à nobis indignationem suam: martyr suffragia effunde pia, ut epidimiæ non sit noxia: in hac patria aut in alia, quæ subsidia poscit nunc tua: audi talia tu præconia: hic prece pia dentur præmia, miles ea nobis, alleluja.

G 2

*Secreta.*



*Secreta.*

**S**ubveniat nobis, Domine, tua miseri-  
cordia, intercedente beato Sebastiano  
martyre tuo: ut ab imminentibus pecca-  
torum nostrorum periculis te mereamur  
protegente salvari, & tuis precibus à peste  
epidimæ, & ab omni tribulatione liberari.  
Per dominum nostrum.

*Communio.* Ave martyr gloriose, qui  
jam regnas in superis: & cum sanctis copio-  
se delicijs perfrueris. Gementium me-  
mineris, ut ad æterna gaudia scandamus,  
ubi prosperis augentur semper præmia.

*Postcommunio.*

**D**A quæsumus, Domine, populo tuo  
salutem mentis & corporis: ut inter-  
ventu beati Sebastiani martyris tui bonis  
operibus inhærendo, tuo semper munere,  
& suorum meritorum interventione, à pe-  
ste epidimæ, & ab omni tribulatione me-  
reamur tua protectione defendi. Per Do-  
minum nostrum.

## M I S S A DE SANCTORO CHO.

*tempore PESTIS,  
sicut supra:*

VIII. Februarij.

**S. JOANNIS DE MATHA**  
Confessoris.

*Missa. Os just. de Communi Confessoris  
non Pontificis.*

*O R A T I O.*

**D**eus qui per sanctum Joannem de  
Matha, Ordinem sanctissimæ Tri-  
nitatis ad redimendum de potestate Sara-  
cenorum captivos, cælitus instituere di-

gnatus es; præsta quæsumus ut ejus sub-  
fragantibus meritis, à captivitate corpo-  
ris, & animæ te adjuvante liberemur. Per  
Dominum.

II. Maji.

**S. SIGISMUNDI REGIS**  
& Martyris.

*O R A T I O.*

**D**eus qui Beatum Sigismundum Re-  
gem, temporali & æterno diadema-  
te, cum desiderata martyrij corona, ho-  
norare dignatus es; tribue quæsumus: ut  
qui ejus merita veneramur in terris, ipsius  
intercessione, ab omnibus protegamur ad-  
versis. Per Dominum.

## PRO OBSESSIS

*O R A T I O.*

**D**eus qui per unigenitum tuum exclu-  
sa dominatione diaboli, populum ti-  
bi fidelem aptasti, expelle quæsumus à fa-  
mula tua N. cunctas diabolicæ illusionis  
insidias, & eam illibatam ab omni ejus  
impugnatione conserva. Per Dominum.

*Secreta.*

**M**unus Domine humilitatis nostræ  
pro petitione famulæ tuæ N. obla-  
tum, petimus, ut, gratanter assummas,  
& ab ejus oppressione hostis maligni insidi-  
as, omnemque potestatem benignus ex-  
cludas. Per Dominum.

*Postcommunio.*

**C**œlestis panis quem sumpsimus Do-  
mine, & nobis indulgentiam tribuat,  
& famulam tuam N. ab antiqui hostis irri-  
tione defendat. Per Dominum.

## F I N I S.









Csíki Székely Múzeum Könyvtára - Csíkszerda







